



1卷3
403
16



13
403
16



太平御覽卷第八十一
皇王部六

帝舜有虞氏

史記曰虞舜名重華冀州人也作什器於壽丘就時於負
夏舜父頑母嚚弟傲皆欲殺不可得即求在側舜耕歷山
歷山之人皆讓畔漁雷澤澤之人皆讓居陶河濱器皆
不苦窳堯乃賜舜絺衣與琴為築倉廩與牛羊舜舉八凱
使主后土以揆百事舉八元使布政于四方臯陶為大理
民服其實伯夷主禮上下咸讓垂主工師百工致功益主
虞山澤開闢棄主農則百穀時茂契主司徒百姓和親龍
主賓客遠人至興九韶之樂鳳皇來翔舜年五十攝行天
子事年五十八而堯崩年六十一代堯踐帝位踐位三十
九年南巡狩崩于蒼梧之野葬於九疑是為零陵



新念圖書
此係八年明治
月八日
山田一人
君田贈
所贈以
郎君以
所贈以

帝王世紀曰舜姚姓也其先出自顓頊顓頊生窮蟬窮蟬有子曰敬康生句芒句芒有子曰橋牛橋牛生瞽瞍瞽瞍曰握登見大虹意感而生舜於姚墟故姓姚名重華字都君龍顏大口黑色身長六尺一寸有聖德始遷於負夏販於頓丘責於傅虛家本冀州每徙則百姓歸之其母早死瞽瞍更聚生象象傲而父頑母嚚咸欲殺舜舜能和諧大杖則避小杖則受年二十始以孝聞堯以二女娥皇女英妻之見舜於貳宮設饗禮送爲賓主南面而問政命爲司徒太尉試以五典有大功二十夢眉長與髮等堯乃賜舜以昭華之玉老而命舜代己攝政明年正月上日始受終于文祖太尉行事堯崩三年喪畢以仲冬甲子月次于畢始卽真以土承火色尙黃乃詢四岳闢四門明四目達四聰東巡狩登泰山觀河渚受圖書褒賜羣臣尊伯禹稷契皋

繇伯益地有苗氏負固不服禹請征之舜曰我德不厚行武非道也吾前教由未也乃修政三年執干戚而舞之有苗請服立誹謗之木申命九官十二牧及及戕朱虎熊羆等二十五人三載一考績黜陟幽明於是俊又在官群后德讓百僚師師以五采章施于五色之服以六律五聲八音協治蒸民乃粒萬邦作乂庶績咸熙乃作大韶之樂簫韶九成鳳皇來儀擊石拊石百獸率舞故孔子稱韶盡美矣又盡善也景星曜於房羣瑞畢臻德被天下初舜旣踐帝位而父瞽瞍尙存舜常載天子車服而朝焉天下大之故曰大舜都乎咸陽或營蒲坂媯汭嬪于虞故因號有虞氏有二妃元妃娥皇無子次妃女英生商均次妃登北氏生二女霄明燭光有庶子八人皆不肖故以天下禪禹舜年八十一卽真八十三而薦禹九十五而使禹攝政攝五

年有苗民叛南征崩于鳴條年百歲殞以瓦棺葬蒼梧九
疑山之陽是為零陵謂之紀市在今營道縣下有羣象為
之耕

雒書靈准聽曰有人方面日衡重華衡有骨長如日也眉

握石椎懷神珠椎讀曰錘錘平輕重也握謂知琬西王母

受益地圖西王母西荒之國也在西舜受終鳳皇儀黃龍

感朱草生冀莢莖

尚書舜典曰慎徽五典五典克從納于百揆百揆時序賓

于四門四門穆穆納于大麓烈風雷雨不迷帝曰咨爾舜

詢事考言乃言底可績三載汝陟帝位

尚書帝命驗曰虞舜聖在側陋光耀顯都握石椎懷神珠

椎讀曰錘神珠喻聖性

尚書中候考河命曰帝舜曰朕維不乂冀莢浮著百獸舞

鳳皇晨冀莢浮著萌牙百獸

又曰若稽古帝舜曰重華欽翼皇象翼奉也象歷也舜勤

得失

又曰舜至于下稷榮光休至稷讀曰側下之側日西黃龍

負卷舒圖出水壇畔赤文綠錯錯分也文而以

尚書大傳曰舜不登而高不行而遠

又虞夏傳曰維元祀巡狩四嶽八伯堯始得義和令為六

方嶽之事是為四嶽出壇四奧沈四海祭水封十有二

為伯後乃分置八伯肇十有二州

韓詩外傳曰昔舜甑盆無臚而功不以巧獲罪

詩含神霧日握登見大虹意感生帝舜。大戴禮曰宰我

日請問帝舜孔子曰蟠牛之孫瞽瞍之子也日重華好學

孝友聞於四方陶稼事親寬裕温良敦敏而知時畏天而

愛民恤遠而親親世以孝聞於天下三十在位嗣帝所五
 十乃死葬于蒼梧之野禮記曰舜作五絃之琴以歌南風
 禮記曰舜作五絃之琴以歌南風又曰舜其大孝也與德為聖人尊為天子富有四海之內
 又曰舜其大孝也與德為聖人尊為天子富有四海之內
 宗廟饗之子孫保之

又曰舜其大智也與舜好問而好察邇言隱惡而揚善執
 其兩端用其中於民其斯以為舜乎邇近也近言而善易
 兩端過與不及也用其中於民賢與不肖皆能行
 之也斯此也其德如此乃號為舜舜之言充也
 又曰子曰後世雖有作者虞帝弗可及也矣君天下生無
 私死不厚其子子民如父母有憐怛之愛有忠利之政
 禮含文嘉曰舜損己以安百姓

樂動聲儀曰孔子曰簫韶者舜之遺音也溫潤以和似南
 風之至其為音如寒暑風雨之動物如物之動人雷動獸

含風雨動魚龍仁義動君子財色動小人言樂之動人也
 喻是以聖人務其本

春秋演孔圖曰舜目四童謂之重明承乾乾踵堯海內富
 昌童童子也踵猶履也履其所行也

春秋運斗樞曰舜以太尉受號即位為天子五年二月東
 巡狩至于中月與三公諸侯臨觀太尉公官名也唐虞五

臨觀河月或黃龍五彩負圖出置舜前圖以黃玉為匣如
 以爲舟也此含樞紐之命

櫃長三尺廣八寸厚一寸四合而連有戶故龍匣黃也四
 合有櫃道相合也

有戶言可開闔白玉檢黃金繩芝為泥封兩端章曰天
 黃帝符璽五字廣袤各三寸深四分鳥文或為三舜與

大司空禹臨侯望博等三十人集發大司空公官名臨圖
 玄色而縹狀可舒卷長三十二尺廣九寸而如也三中有
 七十二帝地形之制天文官位度之差

孝經援神契曰舜龍顏重童大口手握褒龍顏取象軀故有此骨表也重童取象雷多精光也大口似象斗星又為天作喉舌握褒手中褒字喻從勞苦起受褒飾致大位者也

論語曰舜有臣五人而天下治五人為禹稷契皋陶伯益又曰無為而治者其舜也與夫何為哉恭己正南面而已

矣為猶安也言舜相堯夫四凶旋四門穆穆也論語比考讖曰堯舜等昇首山觀河渚有五老遊於河渚

相謂曰河圖將來告帝期五老流星上入昴有頃赤龍負玉苞舒圖出堯與大舜等共發曰帝當樞百則禪虞百年而禪

與堯喟然歎曰咨爾舜天之歷數在爾躬孔叢子曰舜身六尺有奇面頰無毛亦聖也

朝子曰歷山農者侵畔舜往耕暮年而耕者讓畔河濱漁者爭坻舜往暮年而漁者讓坻東夷之陶者苦窳舜往陶暮年而器以牢

墨子曰堯舉舜於服澤之陽

孟子曰雞鳴而起孳孳為善者舜之徒也雞鳴而起孳孳為利者跖之徒也

又曰堯之於舜使其子九男事之二女女焉百官牛羊倉廩備以養舜於畎畝之中而後舉之加諸上位

又曰舜生於諸馮遷於負夏卒於鳴條東夷之人也諸馮馮鳴條皆地名也負夏在海東方夷之地故曰東夷之人也

又曰舜之飯糗茹草也若將終身焉及其為天子也被袵衣鼓琴二女果若固有之袵袵畫繪者也此言舜窮居之時若將終身及其為萬乘之主

被服繪繡若罔常自所有也分定使之然也又曰舜之居深山之中也與木石居與鹿豕遊其所以異

於深山之野人者幾希舜耕歷山之時居山之間鹿豕近人若與人遊希遠也當此之時舜與野人相去豈遠哉及其聞一善言見一善行若決江河沛然莫之

能禦也

又曰舜流共工于幽州放驩兜于崇山殺三苗于三危殛鯀于羽山四罪而天下咸服

又曰大舜有大焉善與人同舍己從人樂取於人以為善

大舜虞舜也孔子稱曰魏巍故曰大舜也自耕稼陶漁以有大善焉能舍己從人子路與禹同也

至為帝無非取於人者取諸人以為善是與人為善也

又曰天下大悅而將歸己視天下悅而歸己猶草芥也唯

舜為然舜不以天下歸己不得乎親不可以為人不順乎

親不可以為子舜盡事親之道而瞽瞍底豫瞽瞍底豫而

天下化瞽瞍底豫而天下之為父子者定此之謂大孝

又曰堯崩三年喪畢舜避堯之子於南河之南天下諸侯

朝覲者不之堯之子而之舜訟獄者不之堯之子而之舜

謳歌者不謳歌堯之子而謳歌舜曰天也夫然後之中國

踐天子之位也

莊子曰羊肉不慕蟻蟻慕羊肉羊肉羶也舜有羶行百姓

悅之故三徙成都至鄧之墟十萬家堯聞舜之賢舉之童

土之地童土不生草之地曰冀得其來之澤舜來施恩澤也

又曰舜讓天下於善卷善卷曰余立於宇宙之中冬日衣

皮毛夏日衣葛絺春耕種足以勞動秋收歛足以休食日

出而作日入而息逍遙於天地之間而心意自得吾何以

天下為悲夫子之不知余也遂不受於是去而入深山莫

知其處

又曰舜以天下讓其友北人無擇北人無擇曰異哉后之

為人也居於猷畝之中而遊堯之門不若是而已又欲以

辱行汗漫我吾羞見之自投清冷之泉

尸子曰舜兼愛百姓務利天下其田歷山也荷彼耒耜耕

彼南畝與四海俱有其利其漁雷澤也旱則為耕者鑿瀆
儉則為獵者表虎故有光若日月天下歸之若父母
又曰舜南面而治天下天下太平燭於玉燭息於永風食
於膏火飲於醴泉舜之行其猶河海乎千仞之溪亦滿焉
由此視之禹湯之功不足言也

又曰堯問於舜曰何事日事天問何任日任地問何務日
務人

又曰舜一徙成邑再徙成都三徙成國其致四方之士堯
聞其賢草茅之中與之語政至簡而易行與之語道廣大
而不窮於是妻之以皇勝之以娥九子事之而託天下焉

又曰舜云從道必吉反道必凶如影如響也
又曰舜事親養兄為天下法其遊也得六人曰雒陶方回
續牙伯陽東不識秦不空皆一國之賢者也

又曰昔者舜兩眸子是謂重明作事成法出言成章
又曰舜舉三后而四死除何為飢渴寒暄勤勞關爭
又曰有虞之君天下也使天下貢善商周之君天下也使
天下貢財

公孫弘曰舜牧羊於黃河遇堯舉為天子
陸賈新語曰舜藏黃金於蘄巖之山捐珠玉於五湖之淵
以塞淫邪之欲

淮南子曰舜之時共工振滔鴻水滔漫也共工炎帝之後
隨高壘下壅百川以為

害以薄空桑空桑地名在魯龍門未開呂梁未發江淮通流四海
滓溟民皆上丘陵赴樹木舜乃使禹疏三江五湖決伊闕

導瀘澗通溝洫注之東海鴻水漏九州乾萬民皆寧其性
又曰昔者舜耕于歷山歷山在濟陰城陽暮年而田者爭處磽确
以封畔肥饒相讓也釣於河濱暮年而漁者爭處湍瀨湍疾

潁以曲隈深澗相與也

又曰舜作室築牆茨屋辟地樹穀令民皆去岩穴各有室家南征三苗道死蒼梧

又曰舜不降席而天下治

周生烈子曰舜嘗駕五龍以騰唐衢武嘗服九駮以馳文塗此土御也

徐氏中論曰小人耻其面不如子都君子耻其行不如舜禹

杜夷幽求日以舜禹之登庸視孔氏之窮屈不必跋鱉之與晨驥乎

符子曰舜禪夏禹於洞庭之野

呂氏春秋曰舜有子九人不予其子而授禹至公也

風土記曰舜東夷之人生於桃丘鳩水之汭損石之東舊

說言舜上虞人也虞即會稽縣距餘姚七十里始寧上虞南鄉也後為縣桃丘即姚丘方相近也今吳北亭虞濱在小江裏縣後五十里對小江北岸臨江山上有立石所謂損石者也斜角西南指俗呼為蔦公斬高石也

太平御覽卷第八十一

太平御覽卷八十一

射不赤以餘食西南許谷和飲飲公澤高下也
 新羅地處山海之內今其地有今其地有今其地有
 籍言殺土人出夏夏會情難別然於水十

太平御覽卷第八十二

帝王部七

夏帝禹

帝仲康

帝寒浞

帝槐

帝不降

帝孔甲

帝桀

夏帝禹

帝啓

帝相

帝少康

帝芒

帝扃

帝臯

帝發

帝太康

有窮后羿

帝宁

帝泄

帝廑

史記曰夏帝禹名曰文命禹之父曰鯀鯀之父曰顓頊
 顓頊之父曰昌意昌意之父曰黃帝帝堯之時洪水滔天
 浩浩懷山襄陵下民其憂堯求能治水者群臣四嶽皆曰

蘇可治水無狀乃殛蘇於羽山堯崩舜問四嶽曰有能成美堯之事者使居官皆曰伯禹為司空可成美堯之功舜命禹汝平水土維是勉之禹拜稽首讓於契后稷臯陶舜曰女其往視爾事矣禹為人敏給克勤其德不違其仁可親其言可信禹遂與益后稷奉帝命命諸侯百姓與人徒以敷土行山表木定高山大川禹傷先人之功不成受誅乃勞身焦思居外十三年過家門不敢入陸行乘車水行乘船泥行乘橇孟康曰橇形如箕擿行泥上如淳曰橇音茅菴之菴謂以板置泥上以通行路也山行乘橰徐廣曰橰音丘遙反如淳曰橰車謂以鐵開九州通九道陂九澤度九山舜崩三年喪畢禹避舜之子商均於陽城天下諸侯皆去商均而朝禹於是遂即天子位南面朝天下國號曰夏后姓姒氏娶塗山氏之女生子曰啓禹東巡狩至于會稽而崩

帝王世紀曰伯禹夏后氏姒姓也母修己見流星貫昴夢接意感又吞神珠薏苡胷拆而生禹於石紐虎鼻大口兩鼻耳參鏤首戴鈎鈎鈎也胷有玉斗足文履已故名文命字高密身九尺二寸長於西羌夷人初禹未登用之時父既降在疋庶有聖德夢自洗於河視於河始受圖括地象也圖言治水之意四嶽舉之舜進之堯堯命為司空繼蘇治水乃勞身勤苦不重徑尺之璧而愛日之寸陰手足胼胝又納禮賢士一沐三握髮一食三吐食堯美其績乃賜姓姒氏封為夏伯故謂之伯禹天下宗之謂大禹年二十始用三十二而洪水平年百歲崩于會稽因葬會稽山陰之南今山上有禹冢井祠下有羣鳥耘田修己或云修紀未詳河圖握拒起曰帝命伯禹曰告汝九術五勝之常可以克之汝能從之汝師徒將興○雜書靈准聽曰有人謂禹大

口耳參漏足履已漏空也戊己土之故載鈞鈐有骨表

懷玉斗懷矣發玉衡之道或以書曰禹別九州折其隨

山濬川刊其木任土作貢任其土地

又曰正月朔旦受命于神宗受舜終事之神宗文率百

官若帝之初舜初攝

尚書帝命驗曰禹白帝精以星感星金脩紀山行見流星

意感栗然生奴戎文禹栗然感兒奴戎禹氏禹

尚書旋璣鈴曰禹開龍門導積石決岷山治九貢龍門積

九州之功

又曰禹開龍門導積石出玄珪上刻曰延喜玉受德天錫

佩禹功既成天出玄珪以錫之古者以

尚書中候曰伯禹在庶伯官稱禹號也因四嶽師舉薦之

帝堯四嶽四方諸侯也握括命不試爵授司空禹握括地

象天已命

之故不復試以眾官司空於周為伯禹稽首讓于益歸首稽

冬卿掌制國之五溝行導水之事伯禹稽首讓于益歸首

拜頭至手益歸賢者帝曰何斯若直何不聽讓之辭斯此

堯臣歸讀曰夔也爾汝也禹亦讓隱之故言也此汝真其

人出爾命圖示乃天爾汝也禹亦讓隱之故言也此汝真其

天使汝治伯禹曰臣視河百面長人魚身出口吾河精也

水非我也伯禹曰臣視河百面長人魚身出口吾河精也

視河視於授臣河圖河圖謂括地象伯禹拜辭禹

行故禹

詩含神霧曰禹之興黑風會紀黑力黑也風風后也並黃

也

禮曰禹立三年百姓以仁遂焉

大戴禮曰宰我曰請問禹孔子曰高陽之孫鯀之子日文

命敏給克濟其德不回其仁可親其言可信聲為律身為

度左準繩右規矩履四時據四海平九州戴九天明目

治天下

禮含文嘉曰禹甲宮室垂意於溝洫百穀用成神龍至靈
 龜服玉女敬養天賜妾。傳曰禹會諸侯於塗山執玉帛
 者萬國。春秋演孔圖曰天命之見候期門靈龜穴庭玄
 龍銜雲靈龜虛虎也穴庭者星入太微門
 春秋元命苞曰禹之時民大樂其駢三聖相繼故樂名大
 夏也

孝經鈞命決曰命星貫昴脩紀夢接生禹命使之星謂

遁甲開山圖曰禹游於東海得玉碧色長一尺二寸光如

日月自昭達幽冥

楊雄蜀王本紀曰禹本汲山廣柔縣人生於石紐其地名

痢兒畔禹母吞珠孕禹圻壻而生於縣塗山娶妻生子啓

紀年曰禹立四十五年

語曰子曰禹吾無閒然矣孔子推禹功德之盛也菲飲食

而致孝乎鬼神馬融曰菲薄也致孝惡衣服而致美乎黻

冕孔安國曰損其鬼神祭祀豐潔也卑宮室而盡力乎溝洫包曰方里為井

廣四尺十里為成中

符子曰禹讓天下於奇子奇子曰君言佐舜勞矣鑿山川

通河漢首無髮股無毛故舜也以勞報子我生而逸不能

為君之勞矣

越絕書曰禹始憂民救水到大越於茅山大會計爵有功

更名茅山謂之會稽及其王矣巡狩大越

吳越春秋曰禹案黃帝中經見聖人所記曰在九疑山東

南天柱號曰宛委承以文玉覆以盤石其書簡青玉為字

編以白銀禹乃東巡狩登衡山求之卧見赤繡衣男子自

稱玄夷倉水使者來候禹令禹齋三月更求之禹乃齋三

月登宛委山取得書通水理遂周行天下使益疏記之名

曰山海經

又曰舜崩禹服喪三年朝夕號泣形體枯槁面目黎黑
十洲記曰禹治洪水畢乃乘騎車到鍾山祠上帝於北阿
歸大功于九天禹經諸侯五岳使工刻石識其里數高下
其字科斗書非漢人所了諸名山亦然

鬻子曰禹之治天下也以五聲聽門懸鼓鍾鐸磬而置鞀
音於篳篥曰教寡人以道者擊鼓教寡人以義者鼓鍾教
寡人以事者振鐸語寡人以憂者擊磬語寡人以獄訟者
揮鞀此之謂五聲是以禹嘗據饋而七起日中不暇食於
是四海之士皆至

隋巢子曰昔三苗大亂天命殛之夏后受之大神降而輔
之司祿益食而民不飢司金益富而國家寶司命益年而
民不夭四方歸之

莊子曰昔者禹堙洪水親自操橐耜而滌天下之川股無
跋脛無毛沐甚雨櫛疾風置萬國禹大聖也而形勞天下
如此使後世之墨者多以裘褐為衣以屨屨為服日夜不
依以自為極曰不能如此非禹道也不足謂墨○孟子曰
書曰洚水警余洚水者洪水也書尚書逸篇也水逆行降
洞無涯故曰洚水洪大也
使禹治之禹掘地而注之海驅蛇龍而放之菹水由地中
而行江淮河漢是也險阻既遠鳥獸之害人者消然後人
得平土而居之堯使禹治洪水通九州故曰掘地而注之
為菹水流於地而去也民下高就平土故
曰險阻遠也水去故鳥獸害人者消盡也
尸子曰禹長頸鳥喙面貌亦惡天下從而賢之好學也
又曰古者龍門未闢呂梁未鑿禹於是疏河決江十年不
闕其家生偏枯之病步不相過人曰禹步
墨子曰禹葬衣衾三領桐棺三寸葛以繡補庚之下不及

泉上不通臭既葬收餘壤為壘若參耕之畝
韓子曰禹之王天下也身執木耜以為民先股無完胼體
無毛雖臣虜之勞不若於此矣

呂氏春秋曰禹年三十未娶行塗山恐時暮失制乃娶塗
山女

又曰禹南濟乎江黃龍負舟舟中之人恐懼禹仰而笑曰
受命於天竭力以濟生人受命天也柰何憂於龍焉龍弭
耳低尾而逃

又曰昔者禹一沐而三握髮一食而三起以禮有道之士
通乎己之不足通乎己之不足則不與物爭矣

又曰禹之決江水也民聚瓦礫及其事已成功已立為萬
世利禹之所見者遠也而民莫之知

賈誼書曰禹常晝不暇食而夜不暇寢方是時憂務民也

淮南子曰昔者鯀作三仞之城諸侯倍之禹知天下叛之
乃壞城平地散財物禁甲兵施之以德海外賓服四夷納
職

又曰禹沐淫雨櫛疾風決江疏河鑿龍門闢伊闕修彭蠡
之防乘四載隨山刊木平治水土定千八百國夙興夜寐
以致聰明輕賦薄斂以寬民氓布德施惠以振困窮吊死
問疾以養孤霜百姓親附政令流行

又曰禹為水以身解於陽旰之河

解旰也陽旰河在秦

又曰堯之時天下大水禹身執畚鍤以為民先疏河而導
九支

支鑿江而通九路辟五湖而定東海

又曰禹之趨時冠挂而不顧履遺而不取

冠有所挂者非去不暇顧視非

爭其先也爭得其時也
說苑曰禹見罪人下車問而泣之左右曰夫罪人不順道

故然焉君王何為痛之至於此也禹曰堯舜之民皆以堯
 舜之心為心今吾為君百姓皆以其心為心是以痛之
 抱朴子曰禹乘二龍郭支為馭黃帝玄女兵法曰禹問於風后曰吾聞黃帝有負勝之圖
 六甲陰陽之道今安在乎風后對曰黃帝藏會稽之山下
 其坎深千丈廣千尺鎮以盤石致難得也禹北見六子問
 海口所出禹乃決江口鳴角會稽龍神為見玉匱浮禹乃
 開而視之中有天下經十二卷禹未及持之其四卷飛上
 天禹不能得也其四卷復下陂池禹不能拯也禹得中四
 卷開而視之乃
 魏陳王曹植夏禹贊曰于嗟夫子拯世濟民克卑宮室致
 孝鬼神蔬食薄服紱冕乃新厥德不回其誠可親壘壘其
 德温温其仁尼憚無閒何德之純

又禹治水贊曰嗟夫夏禹寔勞水功西鑿龍門疏河導江
 梁岐既闢九州以同天賜玄圭奄有萬邦
 又禹渡河贊曰禹濟于河黃龍乘船舟人並懼禹歎仰天
 予受天運動功恤民死亡命也龍聞弭身
 庚信禹渡江贊曰二江初鑿九谷新成風飛鷓涌水起龍
 驚樂天知命無待憂生危舟遂靜亂檝還平
 歸藏曰昔夏后啓筮享神於大陵而上鈞臺枚占臯陶曰
 不吉
 史記曰昔夏后啓筮乘龍以登于天占於臯陶臯陶曰吉
 而必同與神交通以身為帝以王四鄉
 又曰啓禹之子其母塗山氏之女也有扈氏不服啓伐之
 大戰於甘將戰作甘誓遂滅有扈氏天下咸歸

山海經曰大樂之野夏后啓於此舞九代馬乘兩龍雲蓋
三層左手操翳右手操環珮玉橫在大運山北一曰大道
之野

帝王世紀曰啓升后十年舞九韶三十五年征河西
又曰帝啓一名建一名余德教施于四海貴爵而上齒養
國老於東序養庶老於西序在位九年年八十餘而崩矣
越絕書曰禹崩啓立曉知王事達君臣義○呂氏春秋曰
夏后伯即啓也與有扈戰於甘澤而不勝六卿請復之夏
后伯曰不可吾地不淺吾民不寡我而不勝是吾德薄而
教不善也於是乎處不重席食不貳味琴瑟不張鍾鼓不
脩子女不飾親親長長尊賢使能暮年而有扈氏服故欲
勝人者必先自勝矣

帝太康

書曰太康尸位以逸豫滅厥德黎民咸貳乃盤遊無度
于有洛之表十旬不反有窮后羿距于河厥弟五人御其
母以從後于洛之汭五子咸怨述大禹之戒以作歌其一
曰皇祖有訓民可近弗可下皇君也君祖禹有訓戒也民
惟邦本本固邦寧言人君當固也予視天下愚夫愚婦一能
勝予言能勝衆心小民一人三失怨豈在明不見是圖三失
謀備其微予臨兆民懍乎若朽索之馭六馬十萬日兆
言多也懍懼貌朽腐也朽爲人上者奈何不敬能敬則不
驕則高其御六馬言危懼甚爲人上者奈何不敬驕在上不
禽鳥甘酒嗜音峻宇彫牆峻高無厭足也有一于此未或
不亡此六者棄德之君有其三曰惟彼陶唐有此冀方陶
帝堯氏都冀州今失厥道亂其紀綱乃底滅亡言失堯之
統天下四方滅亡其四曰明明我祖萬邦之君有典有則貽厥子孫

典謂經籍則法貽遺也言仁及後世關石和鈞王府則有荒墜厥緒覆宗絕祀金鐵曰石供民器用通之使和平則官其五曰嗚呼曷歸予懷之悲思而悲也言萬姓仇予予將疇依鬱陶乎予心顏厚有恇怩弗慎厥德雖悔可追言人君行己不慎其德無益也○帝王世紀曰太康無道在位二十九年失政而崩

帝仲康

書曰惟仲康肇位四海胤侯命掌六師羲和廢厥職酒荒于厥邑胤后承王命徂征義和廢其職官還其私邑以酒討之

帝相

紀年曰帝相即位處商丘元年征淮夷二年征風夷及黃夷○帝王世紀曰帝相一名相安自太康已來夏政陵遲

為羿所逼乃徙商丘依同姓諸侯樹灌氏斟尋氏羿遂襲帝號是為羿帝羿之室至夏有窮后羿帝王世紀曰羿有窮氏未聞其姓其先帝嚳以世掌射故於是加賜以弓矢封之於鉏為帝司射歷唐及虞夏至羿學射於吉甫其臂左長故亦以善射聞與吳賀北遊使羿射雀左目羿引弓射之誤中右目羿俯首而愧終身不忘故羿善射至今稱之及有夏之衰羿自鉏遷于窮石因夏民之不附以代夏政逼篡帝位故號有窮氏傳曰昔有夏之方衰也后羿自鉏遷于窮石因夏民以代夏政恃其射也不脩民事而淫于原獸棄武羅伯因熊髡龍圍四子皆羿之賢臣而用寒浞土提寒浞伯明氏之讒子弟也伯明后寒棄之夷羿收之信而使之以為己相浞行媚于

內而施賂于外愚弄其民而娛弄于田樹之詐匿以取其
 國家內外咸服拜猶不悛將歸自田家衆殺而烹之以食
 其子食弄其子不忍食諸死于窮門殺之於窮門靡奔有鬲氏
 靡夏遺臣事拜者有鬲國名泥因拜室生澆五叫及豷音恃其讒匿詐
 僞而不德于民使澆用師滅斟灌及斟尋氏二國夏同姓諸侯仲康之
 所依相子后相麴澆于過處豷于戈過戈二國名靡自有鬲氏收二國
 之燼以滅泥而立少康少康滅澆于過后杼滅豷于戈杼后
 少康有窮由是遂亡

帝王世紀曰寒泥有窮氏既篡拜位復襲有窮之號泥因
 拜之室生寡及豷寡多力能陸地盪舟泥使寡率師滅斟
 灌斟尋氏殺夏帝相封寡於過封豷於戈恃其詐力不卹
 民事初拜之殺帝相也妃有仍氏女曰后緡方娠逃出自

竇歸于有仍生少康焉初夏之遺臣曰靡事拜拜死逃奔
 有鬲氏收斟尋二國餘燼殺寒泥而立少康

帝少康

傳曰昔有過澆殺斟灌以伐斟尋澆寒泥子封於過滅夏后相后
 緡方娠逃出自竇后緡相妻也歸于有仍生少康焉為仍
 牧正牧官之長澆使椒求之逃奔有虞為之庖正虞思於是妻
 之以二姚思有虞君也自以二女妻少康姚姓也而邑諸綸綸虞邑也有田一成
 有衆一旅方十里為旅五百人為旅能布其德而兆其謀也兆始以收夏
 衆撫其官職遂滅過戈復禹之績祀夏配天不失舊物
 魏高貴鄉公少康漢高論曰少康生於滅亡之後降為諸
 侯之隸崎嶇逃難僅以身免能布其德而兆其謀卒滅過
 戈克復禹績非至德弘仁豈濟斯勳漢祖因土崩之勢專
 任智力以成功業為子則數危其親為君則囚繫賢相身

沒之後社稷幾傾若與少康易時而虺或未能復大禹之績矣又論曰三代之世任德濟勳如彼之難秦項之際任力成功如此之易且太上立德其次立功就令漢祖功高未若少康盛德之茂也

帝宁直呂反

紀年曰帝宁居原自原遷于老丘

帝王世紀曰帝宁一號后予或曰公孫曼能率禹之功夏人報祭之在位十七年

帝槐

紀年曰后芬立四十四年

帝王世紀曰帝芬一名帝槐或曰祖武在位二十六年

帝芒

紀年曰后芒即位元年以玄珪賓于河東狩于海獲大魚

后芒陟位五十八年

帝王世紀曰帝芒一名和或曰帝芒

帝泄未發而泄

帝王世紀曰帝泄一名帝世或曰泄宗在位十六年

帝不降

紀年曰不降即位六年伐九苑六十九年其弟立是為帝

帝王世紀曰帝不降一名帝降或曰比成比字或作江字

帝肩

帝王世紀曰帝肩一名帝禺或曰高陽在位二十一年

帝廛近音

紀年曰帝廛一名肩甲即位居西河天有祆孽十日並出

帝王世紀曰帝廛一名頊或曰董江在位二十年

帝孔甲

傳曰昭二十九年秋龍見于絳郊晉魏獻子問於蔡墨曰
 古者國有豢龍氏有御龍氏及有夏孔甲擾于有帝擾順也其
德能順于天帝賜之乘龍河漢各二四頭為乘各二乘十六頭各有雌雄
 史記曰帝孔甲立好方鬼神事淫亂夏后氏德衰諸侯叛
 之天降龍二有雌雄孔甲弗能食未得豢龍氏陶唐既衰
 其後有劉累學擾龍于豢龍氏以事孔甲孔甲賜之姓曰
 御龍氏

漢書曰孔甲作盤孟銘三十六篇

列仙傳曰師門為夏孔甲龍師孔甲不能修其心意殺而
 埋之外野一旦風雨迎之訖則山木皆焚孔甲祠而禱之
 未還而道死

呂氏春秋曰夏后孔甲田于東陽音頻山天大風晦孔甲
 迷入民室主人方乳也乳產也咸言后來是良日子誰敢殃之

長成人幕動折撩斧破斬足遂為守者以其無足為守門之官乃作
 破斧之歌

紀年曰后吳立三年帝皐也

帝王世紀曰帝皐一名皐苟

紀年曰后發一名后劼或曰發惠其子立為桀

歸藏曰昔桀伐唐而枚占於勞勞或曰不吉不利出征唯
 利安處彼狸為鼠

書曰伊尹相湯伐桀升自陬遂與桀戰于鳴條之野
 尚書帝命驗曰桀失其玉鏡用其噬虎玉鏡喻清明之道噬虎喻暴虐之風
 尚書帝命候曰夏桀無道殺關龍逢絕滅皇圖壞亂曆紀

皇天也紀綱紀也天之殘賊天下刑法賢人遁逃避時淫
圖歷龍逢引以諫桀也色慢易男女無別不事祖宗

韓詩外傳曰桀為酒池可以運舟糟丘足以望十里

家語曰夏桀昆吾斬刈黎民如草木焉天下討之如疋夫
史記曰自孔甲以來諸侯多叛夏桀不務德而虐傷百姓
百姓不堪迺召湯而囚之夏臺已而釋之湯修德諸侯皆
歸湯湯遂率兵以伐夏桀走鳴條遂放而死

紀年曰后桀命扁伐山民山民女于桀二人曰琬曰琰桀
愛二人女無子焉斲其名于荇花之玉荇是琬花是琰而
棄其元妃于洛曰妹喜桀傾宮飭瑤臺作瓊室立玉門湯
遂滅夏桀逃南巢氏自禹至桀十七世有王與無王用歲
四百七十一年

帝王世紀曰帝桀淫虐有才力能伸鉤索鐵手能搏熊虎

多求美女以充後宮為瓊室瑤臺金柱三千始以瓦為屋
以望雲雨大進侏儒倡優為爛漫之樂設奇偉之戲縱靡
靡之聲日夜與妹喜及宮女飲酒常置妹喜於膝上妹喜
好聞裂繒之聲為發繒裂之以順適其意以人駕車肉山
脯林以為酒池一鼓而牛飲者三千餘人醉而溺水以虎
入市而視其驚伊尹舉觴造桀諫曰君王不聽羣臣之言
亡無日矣桀聞然啞然笑曰子又祇言矣天之有日由吾
之有民日亡吾乃亡也兩日鬪蝕鬼呼於國桀醉不寤湯
來伐桀以乙卯日戰于鳴條之野桀未戰而敗績湯追至
大涉遂禽桀於焦放之歷山乃與妹喜及諸嬖妾同舟浮
海奔乎南巢之山而死
博物志曰夏桀之時為長夜飲宮深谷中男女雜處三旬
不出不聽政

太公六韜曰桀時有瞿山之地桀十月鑿山陵通之於河
民有諫者曰冬鑿地穿山是發天之陰泄山之氣天子後
必敗桀以祗言殺之

管子曰桀女樂三萬人晨譟聞於衢服文繡衣裳
莊子曰桀之治天下也使天下人瘁瘁焉人苦其性是不
愉也

墨子曰昔夏桀貴為天子富有天下勇力之人生裂兕虎
指畫殺人

王孫書曰桀紂為君從愚妄之言違長者之諫衣温而忘
百姓之寒食美而忘天下之飢或身放南巢或頭懸赤旗
斯亦無他也但不節財而暴民也

尸子曰伯夷叔齊餓死首陽無地故也桀放於歷山紂殺
於鄗宮無道故也有道無地則餓有地無道則亡

又曰昔者桀紂縱欲欲長樂以苦百姓珍性遠味必南海
之葦北海之鹽西海之菁東海之鯨此其禍天下亦厚矣

又曰昔夏桀之時至得滅而不揚帝道掩而不興與舉容
臺振而掩覆容臺行禮故天大振動而覆敗犬群而入泉滅壞

犬失其生故嗥入淵一說犬禍彘銜藪而席隩彘銜藪入人美人婢首

墨面而不容編為婢首也萃鬚髮并曼聲吞炭內閉而不

歌曼聲見世衰亂將滅故吞歌飛鳥鍛翼走獸決蹄鍛翼殘

致蹇也言桀無道田獵鳥山無峻幹澤無佳水峻幹美材

又曰桀為琬室瑤臺象廊玉牀琬琬石之次玉權天下虐
百姓於是湯以革車三百乘伐于南巢南巢虛收之夏宮

天下寧定百姓和輯
譙周法訓曰桀紂雖有天子之位而無一人之譽也猶朽

木枯樹逢風則仆也

袁子正書曰桀紂有民左億右億之衆四岳三塗之險京
山中南之固及在鳴條之野一朝而失天下

符子曰桀觀炮烙於瑤臺謂龍逢曰樂乎龍逢曰樂桀曰
觀刑日樂何無惻怛之心焉逢曰天下苦之而君爲樂臣
爲君股肱孰有心悅而股肱不悅乎桀曰聽子諫諫得我
功之不得我刑之龍逢曰臣觀君冕非冕也冕危石也臣
觀君履非履也履春冰也未有冠危石而不壓蹈春冰而
不陷桀歎曰子知我之亡而不自知亡子就炮烙之刑吾
觀子亡知我不亡龍逢行歌曰造化勞我以生休我以炮
烙乃赴火而死禹至桀合

淮南子曰桀之力剔解伸鈎角解索鐵椎移大戲大戲軍水
殺鼃鼉陸捕熊羆然革車三百乘困之鳴條鳴條今陳禽

之焦門

太平御覽卷第八十二

太平御覽卷八十三

之數門

太平御覽卷第八十三

堯皇王部八
 堯天不烈
 堯帝成湯
 堯帝外丙
 堯帝仲壬
 堯帝太甲
 堯帝外壬
 堯帝太庚
 堯帝小甲
 堯帝外壬
 堯帝太戊
 堯帝仲丁
 堯帝外壬
 堯帝河亶甲
 堯帝祖乙
 堯帝祖辛
 堯帝沃甲
 堯帝祖丁
 堯帝南庚
 堯帝陽甲
 堯帝盤庚
 堯帝小辛
 堯帝小乙
 堯帝武丁
 堯帝祖庚
 堯帝祖甲
 堯帝廩辛
 堯帝庚丁
 堯帝武乙
 堯帝太丁
 堯帝乙
 堯帝紂
 堯帝成湯

太平御覽

卷八十三

七

史記曰殷之祖契音赫母曰簡狄有娥氏之女爲帝嚳次妃
三人行浴見玄鳥墮其卵簡狄取吞之因孕生契契長佐
禹治水有功舜乃命契曰百姓不親五品不遜汝爲司徒
而敬敷五教五教在寬對於商賜姓子氏契興於唐虞大
禹之際功業著於百姓百姓以平契卒子昭明立昭明卒
子相土立相土卒子昌若立昌若卒子曹圉立曹圉卒子
冥立冥卒子振立振卒子微立微卒子報丁立報丁卒子
報乙立報乙卒子報丙立報丙卒子主任立主任卒子主
癸立主癸卒子天乙立是爲成湯

帝王世紀曰成湯帝一名帝乙豐下允上指有腍偃身而
揚聲長九尺臂四肘有聖德諸侯有不義者湯從而征之
誅其君吊其民天下咸悅故東征則西夷怨南征則北狄
怨曰奚爲而後我故仲虺誥曰後我后后來其蘇者也凡

二十七征而德施於諸侯焉及夏桀無道湯使人哭之桀
囚湯於夏臺而後釋之諸侯由是咸叛桀附湯同日貢職
者五百國三年而天下悉服湯自伐桀後大旱七年洛川
竭使人持三足鼎祝於山川曰慾不節耶使民疾耶苞苴
行耶讒夫昌耶官室營耶女謁行耶何不雨之極也殷史
卜曰當以人禱湯曰吾所爲請雨者民也若必以人禱吾
請自當遂齋戒剪髮斷爪以己爲牲禱於桑林之社曰唯
予小子履敢用玄牡告于上天后土曰萬方有罪罪在朕
躬朕躬有罪無及萬方無以一人之不敏使上帝鬼神傷
民之命言未已而大雨至方數千里
河圖曰扶都見白氣貫月感生黑帝湯詩含神霧帝
王世紀並同
雒書靈准聽曰黑帝子湯長八尺一寸或曰七尺連珠庭
臂二肘

春秋元命苞曰湯臂二肘是謂神剛

又曰湯之時其民大樂其救之於患害故樂名大護護者救也

尚書璇璣鈴曰湯受金符禹錄白狼銜鈎入殷朝鈎縛束之要也

尚書中候曰天乙在亳諸隣圖襁負歸德東視乎洛降三分沉璧降下也以厚三分退立榮光不起沉畢退而立候黃魚雙躍出濟于壇黃者所以退水今土歸湯則金助矣

濟上也雖祭猶為黑鳥以雄隨魚亦止紀之使以用也化位告神故有壇

為黑玉赤勒曰玄精天乙受神福伐桀克化復也勒刻三年天下悉合諸侯悉合歸之

又曰玄鳥翔水遺卵于流城簡拾吞生契封商玄鳥鸞也於水上城城氏也簡簡狄也契母各商國名詩云天命玄鳥降而生商是也

書曰伊尹相湯伐桀升自陬遂與桀戰于鳴條之野

又曰自契至于成湯八遷湯始居亳從先王居桀居於宋尚書大傳曰湯之君民聽寬而獄省

又曰夏人飲酒醉者持不醉者不醉者持醉者相和而歌曰盍歸于亳盍歸于亳亳亦大矣故伊尹退而閒居深聽

樂聲魏其敬也更曰覺兮較兮吾大命格兮覺兮謂先謂直道者去不善而就善何樂兮伊尹入告于桀曰大命也格至也

之亡有日矣桀啞然笑曰天之有日猶吾之有民也日亡吾亦亡矣是以伊尹遂去夏適湯

又曰湯放桀也居中野士民皆奔湯桀與其屬五百人南徙十里止於不齊不齊士民往奔湯桀與其屬五百人徙於魯魯士民復奔湯桀曰國君之有也吾聞海外有人與

五百人俱去

又曰湯放桀而歸於亳三千諸侯大會湯取天子之璽置之於天子之坐左復而再拜從諸侯之位湯曰此天子之位有道者可以處之矣夫天下非一家之有也唯有道者之有也唯有道者宜處之湯以此三讓三千諸侯莫敢即位然後湯即天子之位

韓詩內傳曰湯為天子十三年年百歲而崩葬於徵今扶風徵陌是也

春秋漢孔圖曰夏民不康天果命湯白虎戲朝白雲入房

白虎白雲皆金精也

逸書曰成湯自契至湯八遷湯始居亳

紀年曰湯有七名而九征

說苑曰湯欲伐桀伊尹請且乏貢職以視夏動桀怒起九夷之師伊尹曰未可彼尚能起九夷之師是罪在我也湯

乃謝服入貢職明年又乏貢職桀起九夷之師九夷之師不起伊尹曰可矣湯乃興師

越絕書曰湯行仁義敬鬼神天下皆一心歸之

孟子曰湯居亳與葛伯為隣葛伯不祀湯使人問曰何為

不祀曰無以供犧牲湯遺之牛羊葛伯得而食之又不祀

湯又問之曰無以供粢盛湯使亳民為之耕老弱饋食葛

伯率眾要其酒肉黍稻者遮而奪之不授則殺之有童子

以黍肉餉殺而奪之書曰葛伯仇餉此之謂也為其殺是

童子湯乃興師伐葛四海之內皆曰非富天下也為疋夫

疋婦復讎言湯不以天下為富為一夫報仇也

又曰湯始征自葛始十一征而無敵於天下東征而西夷

怨南征而北夷怨曰奚為後我民望之若大旱之望雨也

歸市者不止耕者不變誅其君吊其民如時雨降民大悅

書曰後我后后來其無罰

尸子曰湯之救旱素車白馬布衣身嬰白茅以身為牲當此時也絃歌鼓舞者禁之

呂氏春秋曰湯見祝網者置四面其祝曰從天墜者從地出者從四方來者皆羅吾網湯曰嘻盡之矣非桀其孰能為此湯收其三面置其一面更教之祝曰昔蛛蝥作網罟今之人學紆欲左者左欲右者右欲高者高欲下者下吾取其犯命者漢南之國聞之曰湯之德及禽獸矣於是四十國同時歸之夫人置四面未必得鳥湯去三面以網四十國非徒網鳥也

又曰成湯之時有穀生於庭夜而生比旦而大拱史請卜其故湯曰吾聞祥者福之先也見祥而為不善則福不至妖者禍之先也見妖而為善則禍不至於是早朝晏退問

疾弔喪鎮撫百姓三日而穀亡

又曰湯誅桀功名大成乃命伊尹作為大護歌晨露脩九韶六列以見其善

淮南子曰湯夙興夜寐以致聰明輕賦薄斂以寬民氓布德施惠以賑困窮弔死問疾以養孤霜百姓親附政令流行

帝外丙

史記曰帝外丙即位三年崩立外丙之弟是為帝仲壬

紀年曰外丙勝居亳

帝仲壬

史記曰帝仲壬即位四年崩伊尹乃立太丁之子太甲成湯嫡長孫也

璣語曰仲壬崩伊尹放太甲乃自立四年

帝太甲

史記曰帝太甲立三年不明暴虐不遵湯法伊尹放之桐宮伊尹攝行政當國以朝諸侯太甲居桐宮三年悔過自責反善於是伊尹乃迎帝太甲而授之政帝太甲脩德諸侯咸歸殷百姓以寧伊尹嘉之乃作太甲三篇褒帝太甲稱太宗

尚書曰太甲既立不明伊尹放諸桐三年復歸于亳思庸念帝道也

帝王世紀曰太甲反位又不怨故更尊伊尹曰保衡即春秋傳所謂伊尹放太甲卒為明王是也太甲脩政殷道中興號曰太宗孔叢所謂憂思三年追悔前愆起而即政謂之明王者也一名祖甲享國三十三年年百歲
帝王紀曰桐宮蓋殷之墓地有離宮可居在鄴西南○杜

預春秋後序曰紀年稱殷仲壬即位居亳其卿士伊尹仲壬崩伊尹放太甲于桐乃自立也伊尹即位於太甲七年太甲潛出自桐殺伊尹

帝沃丁

史記曰帝沃丁之時伊尹卒既葬伊尹於亳咎單遂訓伊尹事作沃丁○紀年曰沃丁絢即位居亳
帝王世紀曰伊尹卒大霧三日沃丁葬以天子禮資之三年以報大德

帝太庚

史記曰帝太庚在位二十五年崩子帝小甲立
紀年曰小庚辯即位居亳即大庚也

帝小甲

史記曰帝小甲在位十七年崩弟雍己立

紀年曰小甲高卽位居亳

帝雍己

史記曰帝雍己在位十二年崩弟太戊立

紀年曰雍己卽即位居亳

帝太戊

書敘傳曰伊陟相太戊伊陟伊子也亳有祥桑穀共生于朝祥妖

惟也二木合生七日供不恭之罰

詩序曰烈祖祀中宗也祀中宗躬王太嗟嗟烈祖有秩斯

祐秩常也嗟嗟歎美之深也

史記曰帝太戊立亳有祥桑穀共生於朝一暮大拱帝太戊懼問伊陟伊陟曰臣聞妖不勝德帝之政其有闕歟帝其脩德太戊從之而祥桑枯死躬復興諸侯歸之故稱中宗中宗在位七十五年崩子仲丁立

帝仲丁

史記曰帝仲丁遷于敖河亶甲居相值祖乙遷于邢帝仲

丁在位十一年

紀年曰仲丁卽位元年自亳遷于囂甲立

帝王世紀曰仲丁徙囂或曰敖今河南之敖倉是也

帝外壬

史記曰帝外壬在位一十五年崩弟河亶甲立

紀年曰外壬居囂

帝河亶甲

書敘傳曰河亶甲居相孔安國曰相地在河北

史記曰帝河亶甲時躬復衰河亶甲在位九年崩子帝祖

乙立

紀年曰河亶甲整卽位自囂遷于相征藍夷再征班方

書敘傳曰祖乙圮于耿圮毀也圮於耿遷于耿也河水所
耿有氏有耿鄉
史記曰帝祖乙立殷復興聖賢任職祖乙在位十九年
紀年曰祖乙勝即位是為中宗居庇
帝王世紀曰帝祖乙以乙日生故謂之帝乙孔子所謂五
世之外天之錫命疏可同名者也是以祖乙不為諱蓋殷
禮也

帝祖辛

史記曰帝祖辛在位十六年崩弟沃甲立

帝沃甲

史記曰帝沃甲在位二十五年崩立祖辛之子祖丁
紀年曰帝開甲踰即位居庇

帝祖丁

史記曰帝祖丁在位三十二年崩立沃甲之子是為南庚
紀年曰祖丁即位居庇

帝南庚

史記曰帝南庚在位二十九年崩立祖丁之子陽甲
紀年曰南庚更自庇遷于奄

帝陽甲

史記曰帝陽甲之時殷衰自仲丁以來廢嫡而更立諸弟
子弟子或爭相代立比九世亂諸侯莫朝帝陽甲在位十
七年崩弟盤庚立
紀年曰陽甲即位居奄

帝盤庚

書曰盤庚五遷將治亳自湯至盤庚凡五民咨胥怨胥相
遷都治亳也

也民不欲徙乃咨嗟
憂愁相與怨其上

史記曰帝盤庚之時殷已都河北盤庚渡河南復居成湯
之故國乃五遷無定處殷民咨胥皆怨不欲徙遂涉河南
治亳行湯之政然後百姓由寧殷道復興諸侯來朝以其
遵成湯之德也在位二十八年崩弟小辛立
紀年曰盤庚旬自奄遷于北蒙曰殷
帝王世紀曰帝盤庚徙都殷始改商曰殷
又曰亳殷今偃師是也然則殷有三亳二亳在梁國一亳
在河南穀熟為南亳即今都也蒙為北亳即景亳湯所盟
地偃師為西亳即盤庚所徙者

帝小辛

史記曰帝小辛殷道復衰百姓思盤庚乃作盤庚三篇小
辛在位二十一年崩弟小乙立

紀年曰小辛頌即位居殷

帝小乙

史記曰帝小乙在位二十八年崩子武丁立
紀年曰小乙歛居殷

書敘傳曰高宗夢得說

盤庚弟小乙子也名武

使百工營

求諸野得諸傅巖

書大傳曰桑穀俱生于朝一日而大拱兩手益武丁召其

相而問焉其相曰吾雖知之吾不能言也問諸祖己曰桑

穀野草也此木也而云草未聞野草生于朝亡乎武丁側

身修行思昔先王之政興滅國繼絕世舉逸民明養老之

禮諸侯重譯來朝者六國九州之外國武丁祭成湯有飛雉升

鼎耳而雉武丁問祖己祖己曰野鳥不當升鼎欲為用也

則遠方將有來朝者乎三年編髮重譯來朝者六國孔子
 曰吾於高宗彤日見德有報之疾彤日尚書篇名
 史記曰帝武丁即位思復興殷而未得其佐三年不言政
 事事決定於冢宰以觀國風武丁夜夢得聖人名曰說以
 夢所見視群臣百吏皆非也於是使百工營求之野得說
 於傅巖中是時說為胥靡築於傅巖見於武丁武丁曰是
 也得而與之語果聖人舉以為相殷國大治武丁祭成湯
 明日有飛雉登鼎耳而雊武丁懼祖己曰王勿憂先修政
 事祖己乃訓王武丁崩祖己嘉其德立其廟為高宗
 帝王世紀曰武丁即位諒闇居凶廬百官摠己聽於冢宰
 三年不言既免喪猶不言羣臣諫武丁於是思建良輔夢
 天賜賢人姓傅名說乃使百工寫其像求諸天下見築者
 胥靡衣褐帶索執役于虞號之閒傅巖之野名說登以為

相享國五十有九年年百歲初高宗有賢子孝己其母早
 死高宗惑後妻之言放而死天下哀之

帝王世紀曰帝祖庚

史記曰帝祖庚在位七年崩弟祖甲立

紀年曰祖庚躡居殷

帝祖甲

史記曰帝祖甲淫亂殷復衰在位十六年崩子廩辛立

紀年曰帝祖甲載居殷

帝王世紀曰春秋外傳所謂立王勤商十有四世帝甲亂
 之七世而隕是也

帝廩辛

史記曰帝廩辛在位六年崩弟庚丁立

紀年曰馮辛先居殷

帝庚丁

史記曰帝庚丁在位三十一年崩子武乙立殷復去亳徙河北

紀年曰庚丁居殷

帝武乙

史記曰帝武乙無道為偶人謂之天神與之博令人為行天神不勝乃戮辱之為革囊盛血仰而射之命曰射天武乙獵於河渭之間暴雷震死子太丁立

紀年曰武乙即位居殷三十四年周王季歷來朝武乙賜地三十里玉十穀馬八疋

帝王世紀曰帝武乙復濟河北徙朝歌

帝太丁

史記曰帝太丁在位三年崩子帝乙立

紀年曰太丁三年洹水一日三絕
帝王世紀曰帝文丁一日太丁

帝乙

史記曰帝乙立殷蓋衰帝乙長子曰微子啓母賤不得嗣少子辛辛母正后辛為嗣帝乙崩子辛立天下謂之紂

紀年曰帝乙處殷二年周人伐商
帝王世紀曰帝乙有二妃正妃生三子長曰微子啓中曰微仲行小曰受庶妃生箕子年次啓皆賢初啓母之生啓及行也尚為妾及立為后乃生辛帝乙以啓賢且長欲以啓為太子中據法爭之帝乙乃立辛為太子帝乙即位三十七年

帝紂

書曰武王戎車三百兩虎賁三千人與受戰于牧野

周書曰商王紂取天智玉琰五班環身以自焚天智玉之環身以自厚也

春秋文耀鉤曰牧野之戰鬼哭牧地鬼先哭喻紂將死

語曰子貢曰紂之不善不如是之甚也是以君子惡居下流天下之惡皆歸焉

史記曰紂資辯捷疾聞見甚敏材力過人手格猛獸智足以拒諫言足以飾非矜人臣以能高天下以聲以為人皆出己之下好酒淫樂嬖於婦人愛妲己使師涓作淫聲北里之舞靡靡之樂厚賦稅以實鹿臺之錢而盈鉅橋之粟鹿臺臺名以西伯昌鬼侯邪侯為三公鬼侯有女入之紂鉅橋倉名以西伯昌鬼侯邪侯爭之并脯之鬼侯女不懌切淫紂殺之而醢鬼侯邪侯及西伯昌聞之竊歎崇侯虎知之以告紂紂囚西伯姜里及武王伐紂紂兵敗積入登鹿臺衣其寶玉衣赴火而死

紀年曰帝辛受居般紂王曰大商紂也一人世曰紂帝王世紀曰帝紂能倒曳九牛撫梁易柱有蘇氏叛紂因伐蘇蘇人以美女妲己奉紂紂大悅赦蘇而納妲己為妃常與沉醉于酒所譽者貴所憎者誅淫縱愈甚始作象箸箕子為父師歎曰象箸不必更於土匱必將犀玉之杯食能躡豹胎必不衣短褐麤茅屋之下必將衣文繡之衣遊於九層之臺居於廣室之中矣居五年紂果造傾宮作瓊室瑤臺飾以美玉七年乃成其大三里其高千丈其大宮百其小宮七十三處宮中九市車行酒馬行炙以百二十日為一夜六月發民獵於西山居暮年天下大風雨飄牛馬壞屋樹天火燒其宮兩日並或鬼哭或山鳴紂不懼愈慢神誅諫士為長夜之飲七日七夜失忘曆數不知甲乙問於左右莫知使問箕子謂其私人曰為天下主而一國

皆失日天下危矣一國不知而我其危矣亦亂以醉熊蹯
不熟紂怒殺宰人斲朝涉之脛而視其髓刳孕婦之腹而
視其胎又殺人以食虎諸侯或叛妲己以罰輕紂欲重刑
乃先爲大罃斗以火藝之使人舉輒爛手不能勝紂怒乃
更爲銅柱以膏塗之加于藝炭之上使有罪者緣焉足滑
跌墮火中紂與妲己笑爲樂名曰炮烙之刑武王乃率諸
侯來伐紂紂有億兆夷人起師自容閭至浦水與同惡諸
侯五十國凡十七萬人距周于商郊之牧野紂師皆倒戈
而戰紂即位三十三年正月甲子敗績赴宮登鹿臺蒙寶
衣玉席自投□火而死周武王封其子武庚爲殷後
六韜曰武王伐殷得二大夫而問之曰殷國將亡亦有妖
乎一人曰殷國常雨血雨灰雨石小者如雞子大者如箕
嘗六月而雨雪深尺餘武王曰大哉妖也一人對曰非殷

國之大妖也殷國大妖三十七章殷君喜射人喜以人食
餒虎喜剖人心喜殺孕婦以信者爲不信以誣者爲眞以
忠者爲不忠忠諫者死阿諛者賞以君子爲下以小人爲
上以佞辯爲相以女子爲政急令暴取萬民愁苦喜田弋
走狗試馬出入不時不避大風甚雨不避寒暑喜修治池
臺日夜無已喜爲酒池糟丘牛飲者三千飲人爲輦坐起
之以金鼓無長幼之序貴賤之禮聽讒用譽無功者賞無
德者富所愛專制擅令無禮義無聖人無賢士無衡概無
升斛無尺寸無錙銖有罪放無罪誅此殷國之大妖者其
餘不可勝數臣言不能盡

墨子曰昔殷王紂貴爲天子富有天下上訶天侮鬼神不
殃傲天下萬民武王遂奔入王宮誓紂而出擊之赤鋹載
之白旗以爲天下諸侯僂

又曰紂之時十日雨土于亳有鬼宵吟有男爲女
孟子曰桀紂逆天暴萬物故天棄之故民去之湯武從天
理萬物故天下欲之故民歸之紂昏昏以亡武王諤諤以
昌

淮南子曰紂之城左東海右流沙前交阯後幽都師起容
間至浦水億有餘萬武王左操黃鉞右執白旄而麾之則
瓦解而走遂土崩而亡有南面之名而無一人之譽此失
天下也

夏侯孝若新論曰紂亂大熟爛矣武王乃往伐之

太平御覽卷第八十三

太平御覽卷第八十四

皇王部九

周文王

武王

成王

史記曰周后稷名棄其母有邠氏女曰姜嫄姜嫄爲帝嚳
元妃姜嫄出野見巨人跡心忻然悅之遂踐之而孕居期
而生子以爲不祥棄之隘巷牛羊過者皆避不踐徙置林
中適會山林中多人遷而棄渠中冰上飛鳥以翼覆薦之
姜嫄以爲神遂收養之因名爲棄棄爲兒時遊戲好種樹
麻菽麻菽溢美及成人遂好耕農相地之宜親稼穡堯聞
之舉爲農師天下得其利封之於邠音號曰后稷別姓姬
氏后稷之興在唐虞之際皆曰有令德后稷卒子不窋陟
反立不窋末年夏后氏政衰去稷不務不窋失其官而奔

戎狄之閒不窺卒子鞠立鞠卒子公劉立公劉雖在戎狄
之閒復修后稷之業務耕種行地宜百姓懷之多從而保
歸焉周道興蓋自此也公劉卒子慶節立國於邠九世至
古公亶父復修后稷公劉之業積德行義國人皆戴之獯
音鬻音戎狄攻之欲得地與民民皆怒欲戰古公曰有民
立君將以利之今戎狄所攻戰以吾地與民民之在我與
在彼何異以我故戰殺人父子而君之予不忍爲乃以私
屬去邠渡漆沮踰梁山止於岐下邠人舉國老弱盡歸岐
下及他旁國聞古公仁亦多歸之於是古公貶戎狄之俗
營築城郭室屋而邑別居之民皆歌頌其德古公有長子
曰太伯次日虞仲太姜生少子季歷季歷娶大任皆賢婦
人生昌有聖瑞古公曰我世當有興者其在昌乎長子太
伯虞仲知父欲立季歷古公卒季歷立是爲公季公季修

古公之道篤於行義諸侯順之公季卒子昌立是爲西伯
西伯曰文王遵后稷公劉之業則古公公季之法篤仁敬
老慈少禮下賢者日中不暇食以待士伯夷叔齊太顛閎
夭散宜生鬻子辛甲之徒皆歸之崇侯虎譖於紂曰西伯
積德諸侯嚮之將不利於帝紂囚西伯於羑里闕夭之徒
乃求有莘氏美女驪戎文馬因殷嬖臣費仲獻之紂乃赦
之紂喜賜之弓矢斧鉞使得征伐謂西伯曰愬汝者崇侯
虎也西伯乃獻洛西之地以請除炮烙之刑西伯遂爲諸
侯決平虞芮人有訟不能決詣周入其界見耕者皆讓畔
未見西伯而慙相謂曰吾所爭者周所耻也遂還明年伐
犬夷又明年伐密須又明年伐崇侯虎而徒都於鄴諸侯
多歸之都鄴明年而薨太子發立
尚書帝命驗曰季秋之月甲子赤雀銜丹書入鄴止昌戶

拜稽首稽首頭至地也至于磻谿之水呂尚釣涯呂氏王下趣拜也
急見曰公望七年曰公乎我相望也乃今見光景于斯尊之也
此答曰望釣得玉璜半璧曰璜也刻曰姬受命呂佐旌受命為天子也遂置車左王躬執驅下賢也車尊曰左號曰
師尚父周書曰文王昌曰吾聞之無變古無易常無陰謀無擅制
無更創為此則不祥太公曰夫天下非常一人之天下也
天下之國非常一人之國也其常有之唯有道者取之古
之王者未使民民化未賞民民勸不知怒不知喜愉愉然
其如赤子此古善為政也
又曰文王在鎬召太子發曰嗚呼我身老矣吾語汝我所
保與我所守傳之子孫吾厚德而廣惠忠信而志愛吾不
為驕侈不為太靡不淫於美吾恬柱而茅茨吾為民愛費

也春夏育山林不升斤斧以成草木之長而慎天時水澤
不內舟楫以成魚鱉之長不麝不卵以成鳥獸之長畋獵
唯時不殺童羊不天胎童牛不服童馬不馳不驚澤不行
害土不失其宜萬物不失其性天下不失其時
又曰文王獨坐屏去左右深念遠慮召太公望曰帝王猛
暴無文強梁好武侵凌諸侯苦勞天下百姓之怨心生矣
其灾予奚行而得免於無道乎太公曰因其所為且興其
化上知天道中知人事下知地理乃可以有國焉
帝王世紀曰文王昌龍顏虎肩身長十尺臂有四乳晏朝
不食以延四方之士文王合六州之諸侯以朝紂紂以崇
侯之讒而怒諸侯請送文王棄于程十年正月文王自商
至程太妣夢見商庭生棘太子發取周庭之梓樹之于闕
間梓化為松柏柞械覺而驚以告文王文王不敢占召太

子發命祝以幣告于宗廟羣神然後占之于明堂及發並拜吉夢遂作程寤始文王繼父為西伯都於雍州之地及受命復兼梁荆二州化被于江漢之域於是諸侯歸附之者六州而文王不失臣節先是文王夢日月之光著身又鸞鷲鳴於岐作武象之樂神農氏始作五絃之琴以具宮商角徵羽之音歷九代至文王復增其二絃曰少宮少商文王嗣位五十年即周書所謂文王受命享國五十年是也○雒書靈准聽曰蒼帝姬昌日角鳥鼻身長八尺二寸詩曰文王在上於昭于天周雖舊邦其命惟新又曰維此文王小心翼翼昭事上帝聿懷多福又曰日文王曰咨咨汝躬商匪上帝不時躬不用舊詩含神霧曰大任夢長人感己生文王春秋元命苞曰文王龍顏柔肩望羊柔肩言象龍膺曲起

又曰伐殷者為姬昌姬昌之言基始也昌生於岐立於豐岐雍州之山最精翼日為日重見言明象衣青光木神以其遷造西十刻消遷造西蓋文王為西伯時西方造意東入也前也
又曰日文王四乳是謂含良蓋法酒旗布恩舒惠酒者乳也
春秋感精符曰孔子案錄書含視五常英人知姬昌為蒼帝精
孟子曰昔者文王之治岐也耕者九一仕者世祿關市譏而不征澤梁無禁罪人不孥言往者文王為西伯時始行
入百畝其百畝以為公田及墟井故曰九一也紂時稅重文王復行古法也仕者世祿賢者孫必有一土地關以幾難非常不征稅也孥妻子也詩云樂爾妻孥罪人之子不孥惡惡止其身不及妻子也陂澤魚梁不設禁與民共也老而無妻曰鰥老而無夫曰寡老而無子曰獨幼而無父

曰孤此四者天民之窮而無告者也文王發政施仁必先斯四者

墨子曰赤雀銜珪之岐社曰命周文王伐於殷

韓子曰周有玉板紂令戾索之王與也

又曰昔文王侵孟克莒舉豐三事而紂惡之文王懼請入雒西地赤壤之國方千里以請解炮烙之刑天下皆悅仲老聞之日仁哉文王輕千乘之國而請解炮烙之刑對日興事動眾以增國城王曰是重吾罪也不可昌也請改行重善以移之其可以免之乎於是謹其禮秩皮革以交諸侯飾其辭令幣帛以禮豪士頒其爵列筭級田疇以賞羣臣無幾何疾乃止

淮南子曰文王歸自商乃為玉門築靈臺相女童擊鍾鼓玉門以玉飾門為柱樞也相女童視之也以待紂之失也紂聞之日周伯昌改

道易行吾無憂矣乃為炮烙剖比于剔孕婦殺諫者文王乃遂其謀

又曰文王之時紂為天子賦歛無度戮殺無止康梁流酒

宮中成市康梁醜樂流酒淫酒也成市言集者多作為炮烙之刑刻諫者剔

孕婦天下同心而苦之文王四世累善大王王季文王修武王凡四世也

德行義劇岐周之間地方不過百里天下二分歸之文王

欲以卑弱制強暴以為天下去殘除賊而成王道故太公

之謀生也太公為周陳陰符兵謀也

賈誼書曰文王書卧夢人登城而呼己曰我東北陬之腐

骨也速以人君葬我文王曰諾覺召吏視之信有焉文王

曰速以人君葬之吏曰此無主請以五大夫文王曰吾夢

中已許之矣奈何其背也士民聞之日我君不以夢之故

背腐骨況於生人乎

相子新論曰文王操者文王之時紂無道爛金爲格溢酒爲池宮中相殘骨肉成泥琬室瑤臺藹雲翳風鍾聲雷起疾動天地文王躬被法度陰行仁義援琴作操故其聲紛以擾駭角震商琴操曰受命者謂文王受天命文王以紂時爲岐侯躬修道德執行仁義百姓附親是時紂爲無道刳胎斬涉廢壞三仁天統易運諸侯瓦解皆歸文王其後有鳳凰銜書於郊文王曰殷帝無道虐亂天下皇命已移不得復久乃作鳳凰之歌曰翼翼翔翔彼鸞皇兮銜書來遊以命昌兮瞻天案圖殷將亡兮蒼蒼皓天始有萌兮五神連精合謀房兮

又曰文王修德百姓親附是時崇侯虎與文王列爲諸侯德不能及文王常嫉妬之乃譖文王於紂曰西伯昌聖人也長子發中子旦皆聖合謀君其慮之乃囚文王於羑里

呂氏春秋曰周文王使人相地得人之骸吏以聞文王文王令葬之吏曰此無主矣文王曰有天下者天下之主有一國者一國之主今我非其主耶遂令以衣棺葬之天下聞之曰澤及枯骨又況於人乎哉或得寶以危其國文王得朽骨以喻其意故聖人之於物也無不材也

又曰文王處岐事紂寃侮雅孫朝夕必時雅正孫順紂雖寃枉而侮慢之而文王猶正順諸侯上貢必適祭祀必勸紂喜命文王稱之禮而不失其時也

西伯賜之千里之地文王再拜稽首而辭曰願爲民請去

炮烙之刑紂見尉斗爛人手因作銅柱布火於其下令人走其上墮火而死以之爲樂以之爲方之刑故名爲文王非惡千里之地也以爲民請去炮烙之刑必

得民心得民心則賢於千里之地矣

又曰周文王立八年歲六月文王寢疾五日而地動東西南北不出周郊百吏皆請曰臣聞地之動也爲人主也今

王寢疾五日而地動四面不出周郊群臣皆恐請移之文
 王曰若何其移之也
 古今樂錄曰崇侯譖文王紂用其言乃徙王於羑里將欲
 殺之於是文王四臣散宜生等乃周流海內經歷豐土得
 美女二人水中文貝白馬朱鬮以獻於紂陳於中庭紂立
 出西伯文王在羑里時演易八卦為六十四作鬱厄之辭
 困于石據于蒺藜乃申憤以作歌曰躬道溷溷浸濁煩兮
 朱紫相合不別分兮迷亂聲色信讒言兮閹閹之虐使我
 愆兮幽閉牢寗由其言兮違我四人憂勤勤兮
 論衡曰文王飲酒千鍾聖人能以德將酒也
 帝王世紀曰文王晏朝不食以延四方之士是以太顛闕
 天散宜生南宮适之屬咸至是為四臣文王雖在諸侯之
 位襲為西伯紂既囚文王文王之長子伯邑考質于殷為

紂御紂烹以為羹賜文王曰聖人當不食其子羹文王得
 而食之紂曰誰為西伯聖者其子羹尚不知也
 魏陳思王曹植文王贊曰於赫聖德寔惟文王三分有二
 猶復事商化加虞芮傍暨四方王業克昭武嗣遂光
 又文王赤雀贊曰西伯積德天命攸顧赤雀銜書爰集昌
 戶瑞為天使和氣所致嗟爾後王昌期而至
 周庚信文王見呂尚贊曰言歸養老垂釣西川岸止盤石
 溪惟小船風雨未感意氣怡然有此相望于今幾年
 書曰武王戎車三百乘兵車一乘步卒七十三虎賁三百
 人言其猛也與紂戰于牧野作牧誓
 尚書中候曰太子發以紂存三仁附三仁箕子比即位不
 稱王渡于盟津中流受文命待天謀白魚躍入王舟王俯

取魚長三尺赤文有字題目下名授右右助也天告以伐紂之意是其助也
 有火自天出于王屋流為赤鳥五至以穀俱來至猶五來
 赤鳥成文雀書之福文王得赤雀丹書今武王致赤鳥俱應周尚赤故言成文也
 詩曰考卜維王宅是鎬京維龜正之武王成之武王烝哉
 禮曰武王纘太王王季文王之緒一戎衣而有天下身不
 失天下之顯名尊為天子富有四海之內宗廟饗之子孫
 保之纘繼也緒業也戎兵也衣讀為殷聲之誤一者一伐殷也
 又曰昔殷紂亂天下脯鬼侯以饗諸侯是以周公相武王
 以伐紂
 樂稽耀嘉曰武王承命興師誅于商萬國咸喜軍渡盟津
 前歌後舞後乃大安家給人足酌酒鬱鬱播兒也搖播喜兒也
 春秋元命苞曰武王駢齒是謂剛強承命誅害以順天心
 史記曰武王即位太公望為師周公旦為輔召公畢公之

徒左右脩文王業九年東觀兵盟津為文王木主載以居
 中軍自稱太子發言奉文王以伐不敢自專乃告司馬司
 徒司空遂與師渡河時諸侯不期而會盟津者八百諸侯
 皆曰紂可伐矣武王曰未可乃還師居二年聞紂昏亂滋
 甚割比干囚箕子大師疵少師疆抱其樂器而奔周於是
 武王乃渡盟津以卒馳紂紂師皆倒兵戰紂軍潰走反登
 鹿臺之上蒙衣其珠玉自燔于火而死王遂入至紂死所
 自射紂三發而後下車以黃鉞斷紂頭懸大白之旗紂嬖
 妾妲己二女皆自殺王又射三發斬以玄鉞懸其頭小白
 之旗出復于軍其明日遂除紂宮誓殷民即帝位
 帝王世紀曰武王自盟津還返于周見囑人王自左擁而
 右扇之四年起師至鮪水甲子至于商郊牧野王韞係解
 五人侍於前莫肯為王係韞皆曰臣所以事君王非為係

戰也王乃釋旄而係之與紂戰紂師敗績擒費仲惡來紂
 赴于京自燔于宣室而死乃以大旗麾諸侯入殷都百姓
 咸待于郊王使告曰上天降休商人皆拜王亦荅拜以兵
 入造紂及妲己王親射射之三發然後下車以劔擊之周
 公為司徒使以黃鉞斬紂頭召公為司空又使以玄鉞斬
 妲己明日天雨王命除道脩社人商宮朝成湯之廟登堂
 見美玉入室見美女王皆取而歸之諸侯天下聞之以廉
 于財色矣置旌於商容之間釋箕子之囚散鹿臺之財發
 鉅橋之粟以賑貧民命南宮括伯達史佚遷九鼎于洛邑
 命閔天封比干之墓殷民咸喜十年冬王崩于鎬殯于岐
 時年九十三歲矣太子誦立為成王
 越絕書曰八百諸侯皆一旦會於盟津之上不言同辭不
 呼自來盡知武王忠信欲從伐紂

墨子曰天錫武王黃鳥之旗

淮南子曰武王伐紂渡於盟津陽侯之波逆流而擊疾風
 晦暝人馬不見於是武王左操黃鉞右執白旄瞋目而麾
 之日余在天下誰敢害吾意者於是風濟而波罷

又曰武王克殷欲築宮於五行之山五行山今太行山也
河內野王縣北上黨

間周公曰不可夫五行之山固塞險阻之地也使我德能
 覆之則天下納其貢職者迴也迴迂也使我有暴亂之行則

天下之伐我難周公言我有暴亂之行則天下當來伐我
言其依德無為於五行之山使天下來伐我者難也

說苑曰武王伐紂過隧斬山過水折舟過谷發梁過山焚
 萊示民無返志

成王

史記曰成王少周公攝政管叔蔡叔群弟疑周公與武庚

作亂叛周周公奉成王命伐誅武庚殺管叔蔡叔以微子
 開代殷後國於宋周公行政七年成王長周公反政成王
 北面就羣臣之位成王在鄴使召公復營洛邑如武王之
 意周公復卜中視卒營築居九鼎焉曰此天下之中四方
 入貢道理均作周官興正禮樂制度於是改而民和睦頌
 聲興
 帝王世紀曰周公居家宰攝政成王年少未能治事故號
 曰孺子八年王始躬親王事以周公為太師封伯禽于魯
 父子並命周公拜于前魯公拜于後王以周公有勳勞於
 天下故加魯以四等之上兼二十四附庸地方七百里革
 車千乘王既營都洛邑復居鄴鎬淮夷徐戎及商奄又叛
 王乃大蒐於岐陽東伐淮夷七年王崩年十六矣太子釗
 代立

淮南子曰成王問政於尹逸曰吾何德之行尹佚史而民
 親其上對曰使之時而敬順之王曰其度安至曰如臨深
 淵如履薄冰王曰懼哉王人乎尹逸曰天地之間四海之
 內善之則吾蓄也不善則吾讎也王曰善而並曰
 呂氏春秋曰且所朝窮巷之中饗牖之士者七十人文王
 造之而未遂武王遂而未成周公且抱少主而成之故曰
 成王
 賈誼書曰周成王問鬻子曰寡人聞聖王在上位使民富
 且壽夫富則可為也壽則不在天乎鬻子曰對曰聖王在上
 位則天下無軍兵之事故諸侯不相攻而民不私鬪不相
 殺也則民免於一死而得一生矣聖王在上君積於道而
 吏積於德民積於用故婦人為其所食民免於二死得二
 生矣聖王在上則君積於仁而吏積於愛而民積於順則

刑罰廢無夭過之誅則民免於三死得三生矣聖王在上則使民以時而用之有節則民無厲疾矣則民免於四死得四生矣

琴操曰周金縢者周公作金縢書也武王薨太子誦襲武王之業年七歲不能統理海內周公爲攝政是時周公囚誅管蔡之後有謗公於王者言公專國人權詐策謀將危社稷不可置之成王聞之勃然大怒欲囚周公周公乃奔于魯而死成王聞公死且怒之且傷之以公禮葬之天乃大暴風疾雨禾稼皆偃木折傷成王懼發金縢之書見周公所爲武王禱命以身贖之書成王執書而泣曰誰言周公欲危社稷者取所讒公者而誅之戮於國天乃反風霽雨禾稼復起成王作思慕之歌

太平御覽卷第八十四

太平御覽卷第八十五

皇王部十

周康王	昭王	穆王	恭王	懿王
孝王	夷王	厲王	宣王	幽王
平王	桓王	莊王	僖王	惠王
襄王	頃王	匡王	定王	簡王
靈王	景王	悼王	敬王	元王
貞定王	哀王	思王	考王	威烈王
安王	烈王	顯王	慎靖王	赧王

周康王

紀年曰成康之際天下安寧刑措四十餘年不用
帝王世紀曰康王元年釋喪冕作誥申諸侯命畢公作策分民之居里于成周之郊王在位二十六年崩子瑕代立

是謂昭王

迹異記曰廬山上有康王谷巔有一城號為釗城天每欲雨輒聞山上鼓角笳簫之聲聲漸至城而風雨晦合村人以為常候傳云此周康王之城康王愛奇好異巡歷名山不遠而至城中每得古器大鼎及弓弩金之屬知非常人之所處也而山有康王之號城又以釗為稱斯言將有徵

昭王

傳曰齊侯伐楚楚子使與師言管仲對曰爾貢苞茅不入王祭不供無以縮酒寡人是徵昭王南征不復寡人是問對曰貢之不入寡君之罪也敢不供給昭王之不復君其問諸水濱昭王時漢水作楚墳故不受罪也帝王世紀曰昭王在位五十一年以德衰南征及濟于漢船人惡之乃膠船進王王御船至中流膠液解王及祭公

俱沒水而崩其右辛游靡長臂且多力拯得王周人諱之

王室於是乎大微王娶於房曰房后生太子滿代立是謂

穆王○漢上記曰昨額至橫桑三十里桑字本作喪辛游

靡取昭王喪處

呂氏春秋曰周昭王親征荆高誘注曰秦莊王名楚故曰荆還及涉漢梁

敗王隕於漢中隕九粉切辛餘靡振王北濟

穆王

歸藏曰昔穆王天子筮出於西征不吉曰龍降於天而道

里脩遠飛而冲天蒼蒼其羽

傳曰穆王有塗山之會周穆王會諸侯於塗山

又曰昔穆王欲肆其心周行天下將必皆有車轍馬跡焉

祭父作祈招之詩以止王心王是以獲歿於祗宮

史記曰穆王即位春秋己五十矣而王道衰微王將征犬

戎祭公謀父諫不可王遂征之得四白狼四白鹿以歸自是荒服者不至諸侯有不睦者甫侯言於王作脩刑辟命曰甫刑穆王立五十五年年一百五歲而崩子恭王翳扈立

穆天子傳曰天子北征乃絕漳水郭璞注曰絕謂截也水今在藺縣也於是

即并鉞山之下即并鉞山也今在常山石邑縣鉞音刑癸未雨雪天子獵于

鉞山之西河河山足坡乃至于崑崙之丘以視春山之寶乃披

圖視典用視天子之寶器省河所出禮圖玉果石以美玉所

璿玉類燭銀有精光如燭也黃金之膏金膏亦猶玉膏皆其精液宿於崑崙之

阿赤水之陽崑崙山有赤水東流見山海經也升于崑崙之丘以觀黃帝

之宮黃帝巡遊四海登崑崙山而起宮室其上見新語也天子北征舍乎珠澤此澤乃因名之今越

嵩平澤出青珠北昇于春山之上以望四野曰春山是惟天下之高山者也癸丑天子乃遂西征吉日甲子天子賓

于西王母西王母如人虎齒蓬髮戴勝善嘯紀年曰穆王十七年西征于崑崙之丘見西王母其年辛丑

昭宮于乃執白珪玄璧以見西王母執贄者獻也錦組百純

乙丑天子觴西王母于瑤池之上西王母為天子謠謠徒歌也

曰白雲在天山陵自出道里悠遠山川閒之將子無死將尚能復來幾也已酉天子飲于溥水之上音汗六師之人

畢至于曠原乃奏廣樂六師之人翔歌于曠原翔猶遊也得獲

無疆無疆猶鳥獸絕群言取無限也帝王世紀曰穆王修德教會諸侯於塗山命呂侯為相或

謂之甫侯五十一年王已百歲老耄以呂侯有賢能之德

於是乃命呂侯作呂刑之書五十五年王年百歲崩于祗

宮

楊子法言曰周穆王少不好學至乎耄長

抱朴子曰周穆王南征一軍盡化君子為猿為鵠小人為

蟲爲沙

恭王

帝王世紀曰恭王能庇昭穆之闕故春秋稱之周自恭王至夷王四世年紀不明是以曆依魯爲正王在位二十年崩子堅代立

懿王

史記曰懿王時王室遂衰懿王在位二十五年崩恭王弟辟方立是爲孝王
帝王世紀曰懿王二年徙都犬丘

孝王

史記曰孝王在位十五年崩諸侯復立懿王太子燮是爲夷王

夷王

禮曰禮天子不下堂而見諸侯下堂而見諸侯天子之失禮也由夷王已下也不

史記曰夷王崩子厲王胡立

紀年曰夷王二年蜀人呂人來獻瓊玉賓于河用介珪三年王致諸侯烹齊哀公于鼎

帝王世紀曰夷王卽位諸侯來朝王降與抗禮諸侯德之三年王有惡疾愆于厥身諸侯莫不並走羣望以祈王身十六年王崩

厲王

史記曰厲王卽位三十年好利近榮夷公大夫芮良夫諫王不聽卒以榮爲卿士用事王行暴虐侈傲國人謗王召公諫曰民不堪命王怒得衛巫使監謗以告則殺之諸侯不朝三十四年王益嚴國人莫敢言道路以目三年相與

六子行覽 卷八十五 四
叛襲厲王出奔于彘太子靜匿召公之家國人聞乃圍之
召公以其子代太子竟得脫召周公二人相共行政號
曰共和共和十四年厲王死于彘太子靜長於召公家二
相乃共立之是爲宣王
帝王世紀曰厲王荒沉于酒淫於婦人

宣王

史記曰宣王卽位二相輔之修政法文武成康之遺風諸
侯復宗周十二年魯武公來朝宣王不脩籍於千畝虢文
公諫曰不可王弗聽三十九年戰于千畝王師敗績于姜
戎王在位四十六年崩于幽王宮涅立
帝王世紀曰宣王元年以邵穆公爲相秦仲爲大夫誅西
戎是時天大旱王以不雨遇災而懼整身修行欲以消去
之祈于羣神六月乃得雨大夫仍叔美而歌之今雲漢之

詩是也是歲西戎殺秦仲王於是進用賢良樊仲山父尹
吉父程伯休父虢文公申伯韓侯顯父南仲方叔仍叔邵
穆公張仲之屬並爲卿佐自厲王失政獫狁荆蠻交侵中
國官政隳廢百姓離散王乃脩復宮室興收人才容納規
諫安集兆民命南仲邵虎方叔吉父並征定之復先王墳
土繕車徒興畋狩禮天下喜王化復行號稱中興
墨子曰周宣王殺杜伯不辜杜伯曰死若有知三年必使
君知之宣王田於圃田從人滿野日中杜伯乘白馬素車
朱衣朱冠手執朱弓挾朱矢射王而中其心折脊伏斃而
死從者莫不聞見
國語曰幽王之二年西周三川皆震伯陽父曰周將亡矣
夫天地之氣不失其序若過其序民亂之也陽伏而不能

出陰迫而不能蒸於是有地震今三川寔震陽失其所而
鎮於陰也

史記曰幽王得褒姒而篤愛之音廢申后并太子用褒姒
爲后以其子伯服爲太子褒姒爲人不好笑悅之萬方猶
不笑幽王爲烽燧火鼓寇至則舉烽火於是諸侯悉至至
而無寇褒姒乃大笑幽王悅之爲數舉烽火其後諸侯不
信並不至幽王以號石父爲卿用事國人皆怨之石父爲
人佞巧善諛好利今王用之幽王之廢后去太子也申侯
怒乃與繒西夷犬戎共攻幽王王舉烽火徵兵兵莫至遂
殺幽王驪山之下虜褒姒盡取周之財而去於是諸侯乃
即申侯而共立故太子宜臼是爲平王以奉周祀平王乃
東徙洛邑避戎寇也幽王在位凡一十一年
紀年曰幽王立褒姒之子伯服以爲太子○瑣語曰宣王

之元妃獻后生子不恒葺月而生后弗敢舉天子召問羣
臣及元史史皆荅曰若男子也身體有不全諸骨節有不
備者則可身體全骨節備不利於天子也將必喪邦天子
曰若而不利余一人命棄之仲山父曰天子年長矣而未
有子或者天將以是棄周雖棄之何益天子弗棄之

史記曰平王

之時王室微弱而諸侯以強并弱齊楚秦晉
始大政由方伯五十一年平王崩太子泄父早死立其子
林是爲桓王桓王平王孫也
帝王世紀曰平王元年鄭武公爲司徒與晉文侯股肱周
室夾輔平王率諸侯勦力一心東遷洛邑

桓王

史記曰桓王在位二十三年崩子莊王他立

帝王世紀曰桓王既失於信禮義陵遲男子淫奔讒僞並作諸侯背叛構怨連禍九族不親故詩人刺之

莊王

史記曰莊王四年周公黑肩欲殺莊王而立王子克辛伯告王王殺周公王子克奔燕十五年莊王崩子僖王胡齊立

僖王

史記曰僖王三年齊桓公始霸五年僖王崩子惠王闔立帝王世紀曰僖王自即位以來變文武之制作玄黃花麗之飾宮室峻而奢侈故孔子譏焉五年王崩子涼洪代立

惠王

傳曰有神降於莘惠王問內史過曰是何故也對曰國將興明神降之監其德也將亡神又降之觀其惡也故有得

神以興亦有以亡虞夏商周皆有之

史記曰初莊王嬖姚姚生子頹有寵及惠王即位奪其大臣薦國之田以爲園故大夫邊伯等五人作亂謀召燕衛之師伐惠王惠王奔溫居鄭之櫟立僖王弟子頹爲王遂享諸大夫樂及徧儻號君怒四年鄭與號君伐殺子頹復入惠王惠王在位二十五年崩子襄王鄭立

襄王

史記曰襄王母蚤死後母曰惠后后生叔帶有寵襄王畏之三年叔帶與戎翟謀伐襄王襄王欲誅叔帶叔帶奔齊齊桓公使管仲平戎于王十五年王以翟師伐鄭王德翟人將以其女爲后富辰諫不聽十六年王緇翟后翟人來誅殺譚伯富辰曰吾數諫不從乃以其屬死之初惠后欲立王子帶故以其黨開翟翟人遂入周襄王出奔於鄭鄭

居於汜子帶立為王取襄王所緇翟后與居温十七年襄王乃告急於晉晉文納王而誅叔帶襄王於是賜晉文公秬鬯弓矢為伯以河內地與晉二十年晉文公又召襄王襄王會之河陽書曰天王狩于河陽三十二年襄王崩子頃王壬臣立

史記曰頃王六年崩子匡王班立

史記曰匡王六年崩弟瑜代立是為定王

史記曰定王元年楚伐陸渾之戎次於洛使人問九鼎之重輕王使王孫滿應設以辭楚兵乃去二十一年定王崩子簡王夷代立

史記曰簡王十三年晉殺其君厲公迎子周於周立之為悼公十四年簡王崩子靈王泄心立

傳曰王子朝使告于諸侯曰定王六年秦人降袂曰周其有頤王亦克能脩其職至于靈王生而有頤王甚神聖無惡於諸侯

國語曰靈王二十二年穀維鬪將毀王宮賈逵注曰穀維洛在王城南王欲壅之太子晉諫曰不可晉聞古之長民者不隳山不崇藪不竇澤寶決也夫山土之聚也藪物之歸也川氣之導也澤水之鍾也天地成聚於高歸物於下疏為川谷以導其氣陂塘汗原以鍾其美聚萬物合伯禹封

崇九山決汨九川陂障九澤豐殖九原故天無伏陰地無

散陽視之詩書與民之憲言則皆亡王之為也王其圖之

王卒壅之亂於是始

史記曰靈王在位二十七年崩子景王貴立

傳曰天王將鑄無射周景王也泠州鳩曰王其以心疾死

乎泠樂官州鳩其名也夫樂天子之職職主夫音樂之興也樂因音

而鍾音之器也音由器天子省風以作樂省風俗作器以

鍾之也鍾聚輿以行之樂須音小者不窳窳細也大者不櫛

櫛橫大不則和於物物和則嘉成嘉樂成也故和聲入於耳而

藏於心心億則樂也億安窳則不咸不充滿大則不容心不

心是以感實生疾今鍾櫛矣王心弗堪其能久乎

史記曰景王太子聖而早卒王愛子朝欲立之會崩子丐

之黨與爭立國人立長子猛為王子朝攻殺猛猛為悼王

晉人攻子朝而立丐是為敬王

帝王世紀曰景王遇心疾崩于榮錡氏單穆公與劉文公

立太子猛是為悼王景王在位二十五年

悼王

帝王世紀曰悼王以景王二十五年四月始即位十一月

崩王立凡二百日故春秋稱王子猛卒不成喪故不言天

王崩也立王母弟是為敬王

敬王

史記曰晉定公遂入敬王于周四十四年敬王崩子元王

仁立

元王

史記曰元王八年崩子貞定王介立

貞定王

史記曰定王十六年三晉滅智伯分其地二十八年崩子
去疾立是為哀王皇甫謚曰

哀王

帝王世紀曰哀王即位三月弟叔襲殺王而立是為思王

思王

帝王世紀曰思王即位五月弟毘攻殺王而代立是為考

哲王

考王

史記曰考王十五年崩子威烈王午立

威烈王

帝王世紀曰威烈王崩子耽立是為元安王

安王

史記曰安王立二十六年而崩子烈王喜代立

帝王世紀曰安王子喜立是為烈王

烈王

史記曰烈王十年崩弟扁立是為顯王

顯王

史記曰顯王三十五年致文武胙於秦惠王四十四年秦
惠王稱王其後諸侯皆為王四十八年顯王崩子慎靖王
定立

帝王世紀曰顯王元年趙成侯韓哀侯來攻周二年西周
威公之嗣曰惠公始封惠公少子班於鞏以奉王是為東
周惠公周於是始分為東西王微弱政在西周
帝王世紀曰慎靖王六年崩子延代立是為赧王

赧王

史記曰東西周分治赧王徙都西周五十九年秦攻西周
 王奔秦頓首受罪盡獻其邑三十六口三十萬秦受其獻
 而歸其君於周周王赧卒周民遂東亡秦取九鼎寶器而
 遷西周公於囂音輝狐後七歲秦莊襄王滅東西周皆入於
 秦周既不祀既盡也
 漢書曰幽平之後日以陵夷至乎崎嶇河洛之間分爲二
 周然天下謂之共主雖後微弱猶強大弗之敢傾歷載八
 百餘年數極德盡暨於赧王降爲庶人號位已絕於天下
 尚枝葉相持莫得居其虛位四海亡主三十餘年
 帝王世紀曰赧王二十七年冬十月秦昭襄王仍僭號西
 帝齊閔王稱東帝十一月秦齊各復去帝號爲王四十五
 年王如秦得罪於秦秦攻周或說秦王乃止王雖居天子
 之位爲諸侯之所侵逼與家人無異多貲於民無以歸之

乃上臺以避之故周人因名其臺曰逃債之臺洛陽南宮
 謬臺謬音夷又音尸移切是也五十九年秦攻韓魏趙大破之王懼
 乃背秦與諸侯合從將天下銳師出伊闕攻秦秦昭襄王
 大怒使將軍摎音虬攻周王王恐乃入秦頓首受罪盡獻其
 邑秦盡納其獻使赧王歸于周降爲庶人以壽終
 王逸正部曰幽厲禮樂崩壞諸侯力政轉相吞滅德不能
 懷威不能制至於王赧遂喪王位

太平御覽卷八十五

太平御覽卷八十一 王從都西周五十九年 秦威西
 王與秦國首受秦威獻其邑三十六口王亦萬秦受其威
 而歸其君於秦周王被卒周民遂東亡或取九鼎寶器而
 遷西封於秦後七載秦莊襄王滅周周皆入秦
 秦威西不相歸
 秦威西之徒日以秦威至平陽囉河洛之間分其
 對風不難歸至然王嬖遊奕王並而大弗之敢請歷八
 王與五朝日幽亂野樂風與清秀衣短褲卧吞滅騎不請
 昌秦靈滌其熾勢蟻王說于風制翁烈人以秦威
 大怒外詠亂其 詠文風王王怒代人秦讓首受罪盡風其
 以背秦與周前合公深天不給出曾聞文將秦讓王
 請臺多前知其 出五十五平秦文將賊風大商之王
 以平臺以繼之 效周人因於其是日將前之是谷則而

太平御覽卷第八十六

皇王部十一

秦

昭襄王

孝文王

莊襄王

始皇帝

二世皇帝

秦王子嬰

楚義帝

附

史記曰秦之先帝顓頊之苗裔孫曰女脩女脩織玄鳥隕
 卵女脩吞之生子大業大業娶少典之子曰女華生大費
 與禹平水土已成帝錫玄珪禹受曰非予能成亦大費與
 禹平水土已為輔帝舜曰咨爾費贊禹功其賜爾皂游爾
 後嗣將大出遂妻之姚姓之玉女大費拜受佐舜調馴鳥
 獸是為柏翳舜賜姓嬴氏大費生子二人一曰大廉實鳥
 俗氏二曰若木實費氏其玄孫曰費昌子孫或在中國或

在夷狄費昌當夏桀之時去夏歸商為湯御以敗桀於鳴
條大廉玄孫曰孟戲中行鳥身人言帝太戊聞而卜之使
御吉遂致使御而妻之自太戊以下中行之後世有功以
佐殷國故嬴姓多顯遂為諸侯其玄孫曰中滿在西戎生
蜚廉蜚廉生惡來惡來有力蜚廉善走父子俱以材力事
紂周武王伐紂并殺惡來蜚廉死葬於霍太山蜚廉復有
子曰季勝玄孫曰造父以善御幸於周繆王繆王以趙城
封造父造父族由此為趙氏趙衰其後也惡來革者蜚廉
子也早死有子曰女防女防四世生非子以造父之寵皆
姓趙氏非子居大丘周孝王分土為附庸邑之秦今天水
秦亭使復續嬴氏祀號曰秦嬴三世至秦仲始大其孫襄
公時周平王避犬戎之難東徙洛邑襄公以兵送平王平
王封襄公為諸侯賜之岐以西之地襄公於是始與諸侯

通使聘享之禮至繆公康公之世漸為強霸與齊晉爭為
諸侯盟主秦仲已下二十八世曰武王武王卒立異母弟
是為昭襄王于時周室微弱

昭襄王

史記曰昭襄王十九年王為西帝齊為東帝皆復去之五
十二年周九鼎入秦周初亡五十四年王郊見上帝於雍
丘五十六年昭襄王卒子孝文王立
古史考曰王赧卒後天下無主四十九年以歲所在紀之

孝文王

史記曰孝文王元年赦罪人脩先王功臣褒厚親戚文王
除喪十月己亥卽位三日辛丑卒子莊襄王立

莊襄王

史記曰莊襄王元年大赦罪人脩先王之功臣施德厚骨

肉而布惠於民東周君與諸侯謀秦秦使相國呂不韋誅之盡入其國以陽人之地賜周君奉其祭祀四年莊襄王卒子政立曰秦始皇

河圖曰秦距之帝名政虎口日角大目隆鼻長八尺六寸大七圍手握兵執矢名祖龍

尚書考靈耀曰秦失金鏡宋均注曰金鏡喻明道也魚目入珠言偽亂莊襄王納呂不韋之妻生始皇也

古文奇字曰秦改古文以為大篆及隸字國人多誹謗怨恨秦苦天下不從而召諸生到者拜為郎凡七百人又密冬月種瓜於驪山礪谷之中温處瓜實成乃使人上書曰瓜冬有實有詔下博士諸生說之人人各異說則皆使往視之而為伏機諸生賢儒皆至焉方相難不能決因發機

從上墳之以土皆壓終

史記曰莊襄王為秦質子於趙見呂不韋姬悅而取之生始皇帝始皇以秦昭王四十八年正月生於邯鄲及生名為政姓趙氏年十三歲莊襄王死政代立為秦王十年大梁人尉繚來說秦王曰以秦之強視諸侯譬如郡縣之君臣但恐諸侯合從而出不意此乃智伯夫差湣王所以亡也願大王無愛財物賂其豪臣以亂其謀不過亡四十萬金則諸侯可盡王從其計見尉繚抗禮衣服食飲與繚同繚曰秦王為人蜂準長目鸞鳥膺豺聲少恩而虎狼心居約易出人下得志亦輕食人我布衣然見我常身自下我使秦王得志於天下天下皆為虜矣不可與久遊乃亡去秦王覺固止為秦國尉卒用其計策二十六年秦初并天下廷尉斯等與博士議曰有天皇有地皇有人皇人皇最

貴臣等昧死上尊號王爲秦皇命爲制令爲詔天子自稱
爲朕王曰去秦著皇採上古帝王位號曰皇帝他如議制
曰朕聞太古有號毋謚中古有號死而以行爲謚如此則
子議父臣議君甚無謂朕弗取自今以來除謚法朕爲始
皇帝後世以計數二世三世至於萬世傳之無窮始皇推
終始五德之傳音亭傳也以爲周得火德秦代周德從所不
勝方今水德之始改年始朝賀皆自十月朔衣服旄旌節
旗皆上黑數以六爲紀符法冠皆六寸而轡六尺六尺爲
步乘六馬更名河曰德水以爲水德之始剛毅戾深事皆
決於法分天下之國以爲三十六郡郡置守尉監更命民
曰黔首大醜收天下兵聚之於咸陽銷以爲鍾鐻鑄爲金
人十二重各千石置宮庭中一法度衡石丈尺車同軌書
同文字地東至海暨朝鮮西至臨洮羌中南至北向戶北

據河爲塞並陰山至遼東徙天下豪富於咸陽十二萬戶
諸廟及章臺上林皆在渭南秦每破諸侯寫放其宮室作
之咸陽北阪上南臨渭自雍門以東至涇渭殿屋複道周
閣相屬所得諸侯美人鐘鼓以充入之二十七年始皇巡
隴西北地出雞頭山迴中作長信宮渭南已來更命宮
爲極廟象天極廟道通驪山上作甘泉前殿築甬道自咸
陽屬之二十八年始皇東行郡縣上鄒嶧山立石與魯諸
儒生刻石頌秦德議封禪望祭山川之事乃遂上太山立
石封祠祀禪梁父刻所立石乃並渤海以東過黃腫窮成
山登之罘立石頌秦德而去南登琅邪大樂之留三月徙
黔首三萬戶琅邪臺下復十二歲作琅邪臺立石頌秦德
二十九年始皇東遊至陽武博浪沙中爲盜所驚求弗得
乃令天下大索十日三十一年始皇爲微行咸陽與武士

四人俱夜出逢盜蘭池見窘武士擊殺盜三十二年始皇
之碣石使燕人盧生求羨門高誓刻碣石門盧生使入海
還以鬼神事因奏錄圖書曰亡秦者胡也始皇乃使將軍
蒙恬發兵三十萬人北擊胡略取河南地三十三年略取
陸梁地爲桂林象郡南海西北斥逐匈奴自榆中並河以
東屬之陰山以爲三十四縣城河上爲塞又使蒙恬渡河
取高闕陶山北假中北假地名築亭鄣以逐戎人三十四年丞
相斯議曰臣請史官非秦記燒之天下敢有藏詩書百家
語者悉詣守尉雜燒之有敢偶語詩書棄市以古非今者
族吏見不舉與之同罪諸有文學之書蠲除之令下三十
日不燒黥爲城旦所不去者醫藥卜筮種樹之書若有學
法令以吏爲師三十五年乃營作朝宮渭南北上林苑中
先作前殿阿房東西五百步南北五十丈上可坐萬人下

可建五丈旌旗周馳爲閣道自殿下直抵南山表南山之
巔以爲闕爲複道自阿房渡渭屬之咸陽以象天極閣道
絕漢抵營室也立石東海上胸界中以爲秦東門因徙三
萬家驪邑五萬家雲陽皆復不事乃令咸陽之旁二百里
內宮觀二百七十複道甬道相連帷帳鍾鼓美人充之各
案署不移徙所幸有言其處者罪死始皇帝幸梁山宮從
山上見丞相車騎衆不善也中人或告丞相丞相後損車
騎始皇怒曰此中人泄吾語案問莫服當是時詔捕諸時
在傍者皆殺之自是後莫知行之所在聽事羣臣受決事
悉於咸陽宮長子扶蘇諫曰天下初定遠方黔首未集諸
生皆誦法孔子今皆重法繩之臣恐天下不安唯上察之
始皇怒使扶蘇北監蒙恬於上郡三十七年始皇出遊左
丞相斯從右丞相去疾守少子胡亥愛慕請從始皇許之

十一月行至雲夢望祀虞舜於九疑浮江下觀蘇柯渡梅渚過丹陽至錢塘浙江水波惡乃西百二十里從狹中渡上會稽祭大禹望于南海而立石刻頌秦德還過吳從江乘渡並海上北至琅邪方士徐福等入海求神藥數歲不得費多恐譴乃詐曰蓬萊藥可得然常爲大鯨魚之所害故不得至願請善射與俱見則以連弩射之始皇夢與海神戰如人狀以問占夢博士曰水神不可見以大魚蛟龍爲候今上禱祠備謹而有此惡神當除去而善神可致乃命入海者賫捕巨魚具而自以連弩候大魚出射之自琅邪北至營成山弗見至之罕見巨魚遂並海至平津而病始皇惡言死羣臣莫敢言死事上病益甚乃爲璽書賜公子扶蘇曰與喪會咸陽而葬書已封在中車府令趙高行符璽事所未授使者七月丙寅始皇崩於沙丘平臺時年

五十在位三十七年丞相斯爲上崩在外恐諸公子及天下有變乃祕之不發喪棺載輜輶車中故幸宦者參乘所至上食百官奏事如故宦者輒從輜輶車中可其奏事獨子胡亥趙高及幸宦者五六人知上死趙高故嘗教胡亥書及獄律令法事胡亥私幸之高乃與胡亥丞相斯陰謀破去始皇所封書賜公子扶蘇者而更詐爲丞相斯受始皇遺詔沙丘立子胡亥以爲太子乃更爲書賜公子扶蘇蒙恬數以罪賜死遂從井陘抵九原會暑上輜輶車臭乃詔從官令車載一石鮑魚以亂其臭行從直道至咸陽發喪太子胡亥襲位

漢書曰秦據勢勝之地騁狙詐之兵蠶食山東一切取勝因矜其所習自任私智嫺笑三代蕩滅古法竊自號爲皇帝而子弟爲疋夫內亡骨肉本根之輔外亡尺土蕃翼之

衛吳陳奮其白挺劉項隨而斃之
又曰秦始皇卽位三十九年內平六國外攘四夷死人如
麻暴骨長城之下頭顱相屬於道不一日而無兵
又曰賈山借秦爲諭名曰至言其辭曰始皇貴爲天子富
有天下賦劔重數百姓罷弊赭衣半道群盜滿山使天下
之人戴目而視傾耳而聽離宮三百鍾鼓帷帳不移而具
爲宮室之麗如此使其後世曾不得聚廬而託處焉爲馳
道於天下東窮燕齊南極吳楚厚築其外隱以金椎樹以
青松爲馳道之麗如此使其後世曾不得邪徑而託足焉
葬乎驪山銅錮其內漆塗其外中成遊觀上成山林爲葬
埋之侈如此使其後世曾不得蓬顆蔽塚而託葬焉秦以
熊羆之力虎狼之心蠶食諸侯并吞海內而不篤禮義故
天殃已加矣

異苑曰秦世有謠言秦始皇何奄偃開吾戶據吾牀飲吾
酒唾吾漿食吾飯以爲糧張吾弓射東牆前至沙丘當滅
亡始皇旣坑儒焚典乃發孔子墓欲取諸經傳壙旣啓於
是悉如謠者之言又言謠文刊在塚壁政甚惡之及達沙
丘而循別路見一群小兒輦沙爲阜問云沙丘從此得病
淮南子曰秦之時高爲臺榭大爲苑圃造馳道數千里鑄
金人發邊戍入芻藁頭會箕斂輸於少府丁壯丈夫西至
臨洮狄道東至會稽浮石南至象郡桂林北至飛狐陽原
道路死人以溝量當此之時有忠諫者謂之不祥道仁義
者謂之狂
相譚新語曰秦始皇見周室失統自以當保有九州見萬
民碌碌猶羣羊聚豬皆可以竿而驅之故遂以敗也

二世皇帝

史記曰二世皇帝元年二十一年趙高爲郎中令任用事徵材七五萬人爲屯衛咸陽令教射狗馬禽獸用法益刻深七月戊卒陳勝等反二年冬陳涉所遣周章等西至戲兵數十萬二世大驚夢白虎齧其左驂馬殺之心不樂怪問占夢卜曰涇水爲祟二世乃齋於望夷宮欲祠涇水沉四馬使使責讓高以盜賊事高懼乃陰與其婿咸陽令閻樂其弟趙成謀使郎中令爲內應詐爲有大賊遣樂將吏卒千餘人至望夷宮郎中令與樂俱入射上幄坐幃二世怒召左右左右皆惶擾不關傍有宦者一人侍不敢去二世入內謂曰何不早告我宦者曰臣不敢言故得全使臣早言皆已誅安得至今閻樂前郎二世數曰足下驢恣誅殺無道天下共叛足下其自爲計二世曰丞相可得見不樂曰不可二世曰吾願得一郡爲王弗許又曰願爲萬戶

侯弗許又曰願與妻子爲黔首比諸公子樂曰臣受命於丞相爲天下誅足下足下雖多言臣不敢報麾其兵進二世自殺閻樂歸報趙高趙高乃悉召諸大臣公子告以誅二世之狀曰秦故王國始皇君天下故稱帝今六國復自立秦地益小乃以空名爲帝不可宜爲王如故便立二世之兄子公子嬰爲秦王以黔首葬二世杜南宜春苑中在位三年

秦王子嬰

史記曰趙高令子嬰齋當廟見受玉璽齋五日子嬰與其子二人謀稱疾不行高果自往曰宗廟重事王奈何不行子嬰遂刺殺趙高於齋宮夷三族以徇咸陽子嬰爲秦王四十六日楚將沛公破秦軍入武關遂至霸上使人約降子嬰子嬰卽係頸以組白馬素車奉天子之璽符降軹道

傍項籍爲從長殺子嬰及秦諸公子宗族

史記太史公曰始皇自以爲功過五帝地廣三皇而羞與之侔善哉賈生推言之曰秦并兼諸侯繕津關據險塞脩甲兵而守之陳涉以戍卒散亂之衆數百奮臂大呼不用弓戟之兵鉏耰白挺耰田器也音憂望屋而食橫行天下秦人阻險不守關梁不闔長戟不刺強弩不射楚師深入戰於鴻門曾無藩籬之艱當此時也世非無深慮知化之士也然不敢盡忠拂過者秦俗多忌諱之禁忠言未卒於口而身爲戮歿矣故天下之士傾耳而聽重足而立措口而不言是以三主失道忠臣不敢諫智士不敢謀天下已亂姦不上聞豈不哀哉秦王纘六世之餘烈振長策而御宇內吞二周而亡諸侯履至尊而制六合執捶拊拊拍音府以鞭笞天下威振四海南取百越之地以爲桂林象郡乃使蒙恬北

築長城而守藩籬却匈奴七百餘里胡人不敢南下而牧馬士不敢彎弓而報怨於是廢先王之道焚百家之書以愚黔首隳名城殺豪俊收天下之兵聚之咸陽銷鋒鏑鑄以爲金人十二以弱黔首之民然後塹華爲城因河爲津據億丈之城臨不測之谿以爲固良將勁弩守要害之處信臣精卒陳利兵而誰何何問之也天下已定秦王之心自以爲關中之固金城千里子孫帝王萬世之業也秦王旣沒陳涉斬木爲兵揭竿爲旗天下雲集而響應羸糧而影從山東豪俊遂並起而亡秦族矣然秦以區區之地千乘之權招八州而朝同列百有餘年然後以六合爲家崤函爲宮一夫作難而七廟隳身死人手爲天下笑者何也仁義不施而攻守之勢異也秦王懷貪鄙之心行自奮之智不信功臣不親士民廢王道立私權禁文書而酷刑法先詐

力而後仁義以暴虐為天下始孤獨而有之故其亡可立而待

帝王世紀曰秦凡四王二帝合四十九年

楚義帝附

尚書中候曰空受之帝立

史記曰居鄴人范增好奇計往說項梁曰秦滅六國楚最無罪自懷王入秦不反楚人憐之至今故楚南公曰楚雖三戶亡秦必楚今陳勝首事不立楚後而自立其勢不長今君起江東楚蠶起之將爭附君者以君世世楚將為能復立楚後也梁然其言乃求楚懷王孫心民閒為人牧羊立以為楚懷王從民所望陳嬰為楚上柱國與懷王都盱眙秦滅尊懷王為義帝漢書曰義帝名心也項王謂諸將曰天下初發難時假立諸侯後以伐秦然身被堅執銳首事暴露於

野三年滅秦定天下者皆將相諸君與藉之力也義帝雖無功故當分其地而王之諸將皆曰善漢元年四月諸侯罷戲下各就國項王出之國使人徙義帝曰古之帝者地方千里必居上游乃徙義帝都郴縣其群臣稍叛之陰令衡山臨江王擊殺之江中

太平御覽卷第八十六

